

四庫全書

集部

欽定四庫全書

山谷外集詩注卷十三

宋 黃庭堅 撰

史 容 注

謝文灝元豐上文藁

虎豹文章非一斑

王獻之傳管中
窺豹時見一斑

乳雉五色蜃胎寒

書

龍華蟲疏云華蟲雄也雉五色象草華也楊雄賦剖明
月之珠胎吳都賦蚌蛤珠胎爾雅蚌含漿注蚌即蜃也

天生材器各有用

太白將進酒云天生我材
必有用千金散盡還復來相如名獨

重太山

蘭相如傳退而讓頗名重太山

風流小謝宣城後

南齊書云謝朓轉中書郎

出為宣城太守而南史不載太白宣州謝朓樓

少年如

春膽如斗

見前注

裕陵書蔡公不朽

永裕乃神宗陵

持名鐵石要

長久

魏武帝令長史王必曰忠能勤事心如鐵石國之良吏也

讀方言

揚雄著此書名曰輜軒使者絕代語釋別國方言具答劉歆書云成帝時天下上計

孝廉及內郡衛卒會者雄常把三寸弱翰齋油素四尺以問其異方語歸即以鉛槧次之于蔡云云

八月梨棗紅

杜詩庭前八月梨棗熟

繞墻風自落江南風雨餘未

覺衣衾薄壁蟲憂寒來催婦織衣

去聲著

研音二字元注也

荒畦

杞菊花猶用充羹臠

招魂云露雞臠鰾注云有菜曰羹無菜曰臠齊民要術有羹臠法一

門大率以肉作羹臠耳爾雅螻蛄

蜚注云促織也陸龜蒙有杞菊賦連日無酒飲令人風

味惡頗似揚子雲家貧官落魄

揚雄傳何為官之拓落也鄰食其傳家貧落魄

鮑音忽聞輜軒書

文選注輜軒使者車

澁讀勞輔齟

柳子厚答韋珩書雄之遺

詞措意頗短局澁滯周易咸其輔頰舌注輔上頤也講學根本齟齬斷也逆各反

虛堂漏刻間

九土可領略

宋王登徒子賦云少曾遠遊周覽九土李善曰九土九州之土也

願多載

酒人喜我識字博

淵明詩云子雲性嗜酒家貧無由得時賴好事人載醪祛所惑觴來為之

盡是謔無不塞設心更自笑欲過屠門嚼

文選曹子建書過屠門而大嚼雖不得肉

貴且快意注云桓子新論人聞長安樂則出門向西而笑知肉味美對屠門而大嚼往時抱經綸

待價一丘壑

論語我待價者也班固叙傳云漁釣于一壑棲遲于一丘

卜師非熊羆

史記齊太公世家云呂尚以漁釣于周西伯伯將出獵卜之曰所獲非龍非虜非虎非羆所獲霸王之輔西

伯獵果遇太公立為師杜詩

夢相解靡索

書高宗夢得說伴以形旁

燕王賈駿骨渭老得熊羆

求于天下說蔡傳巖之下惟肖爰立作相疏曰皇甫謐

云高宗夢天賜賢人胥靡之衣使百工寫其形像求諸

天下果見蔡巖者胥靡衣褐帶索執役于虞號之間

所欲吾未奢

史記淳于髡傳所恃者狹而所

欲者儻使耕可獲

楊子法言耕不獲獵不饗耕獵乎

今年美牟麥厨饌

豐餅飢

歐陽公歸田錄湯餅唐人謂之不托今俗謂之饌餽矣束皙餅賦有饅頭薄持起漉牢九惟饅

頭至今存餘
莫曉何物

摩挲腹中書安知非糟粕

世說郝隆曬腹中書莊子所讀

者古人之糟粕已見前注此篇言索寞無酒因讀方言願多有好事者載酒肴來問奇字因得大嚼耳古者固有挹經綸之術而隱于築釣後為師為相我則異于此所望不奢也若使麥田豐而富湯餅足矣

次韻秋郊晚望

道同一指馬

莊子齊物篇以指喻指之非指不若以非指喻指之非指也以馬喻馬之非馬不若

以非馬喻馬之非馬也天

心解非耳目短生行哀謝

文選

謝靈運詩短

黃落看草木

漢武秋風詞秋風起兮白雲飛草木黃落兮鴈南歸月令

季秋之月

無懷世不知有酒客可速

易不速之客來

誰能縛詩

書

用老杜身猶縛禪寂之意

閑門抱羈獨披襟臨江臯

宋玉風賦王乃披襟當之

萬籟發空谷

李白詩一風鼓羣有萬籟各自鳴

風力斜鴈行山光森雨

足

選詩森森散雨足杜詩雨聲先已風散足盡西廡

壁蟲先知寒機織日夜促

促織見

居人思行人裘褐誰結束

文選古詩何為自結束

行人喜

前注

歸來邂逅天從欲

左傳人之所欲天必從之

可奈甌生塵

漢書范丹傳甌中生

塵范

嚴霜凍杞菊

見前注

史雲

次韻周德夫經行不相見之詩

春風倚樽俎綠髮少年時

歐陽公詩綠髮少年時青衫喜從事

酒膽大如

斗

蜀志姜維膽大如斗

當時淮海知醉眼，
槩九州何嘗識憂悲看。

雲飛翰墨

老杜詩明日看雲還杖藜

秀句詠蛛絲

杜詩最傳秀句裏區滿

樂如

同隊魚

退之詩少小聚嬉戲不殊同隊魚

游泳清水湄，
波濤修相失歲。

月秣馬馳

詩言秣其馬李斯傳時乎時乎羸糧躍馬唯恐後時

客事走京洛，
鄉貢

趨禮闈，
艱難思一臂

唐薛元超傳帝辛東都留輔太子曰朕留卿若失一臂

講學

抱羣疑

易睽卦羣疑亡也

邂逅無因得

詩邂逅相遇適我願兮

君居天南

睡誰言井裏坐

後漢馬援傳子陽井底蛙也韓文坐井觀天

忽枉故人詩，
清

如秋露蟬

李白詩白若白鶯鮮清如清淚蟬

高柳噫哀遲

大塊噫氣見前注子虛賦

榜人歌聲流喝郭璞曰言悲嘶也一个切退之聯句云騰口甚蟬喝又云蟬煩鳴轉喝噫喝音義同感歎

各頭白民生竟自癡

晉王述排其子坦之曰汝竟癡耶見本傳

過門不我見

寧復論前期

文選沈休文詩平生少年日分手易前期注謂春秋富前期非遠分手之際輕而易

之及年衰則難別今過門不相見豈論此耶

杯酒良難必況望功名垂吉守

鄉丈人

易師貞丈人吉

政成大生耄

後漢岑熙為魏郡太守人歌曰狗卧不驚足下生耄

綠柳陰鈴閣

晉羊祜都督荊州諸軍事所宿鈴閣之下侍衛不過數十人

紅蓮媚官

池

老杜有官池春鴈詩媚字益用謝靈運詩綠篠媚青連又云孤嶼媚中川山谷多用此字

開軒納

日月

見前注

高會無吏譏琵琶二十四

前有詩言廬陵郡燕遊寄郡僚云今

夕傳杯定何處應無二十四琵琶當是言吉州
官妓琵琶之數如東坡云琵琶一抹四十絃也
明妝百

騎隨

鮑明遠詩明妝帶羅綺退之詩淨濯明妝有所奉顧我未肯真齒牙

為公置樂飲纔

可慰路岐

列子岐路又有岐馬詩言分携也

矧公妙顧曲

周璣傳曲有誤周郎顧取

同姓也

調笑才不羈

玉臺新詠馮子都詩調笑酒家胡鄒陽傳不羈之士司馬遷傳僕少負不

才羈之

幕中佳少年多欲從汝嬉人事喜乖悟

淵明集人事好乖會

當語離班固賓戲乖悟而不可通老杜新婚別人事多錯忤對君永相忘

曾莫把一卮朝雲

高唐觀

高唐賦襄王望高唐之觀又云妾在巫山之陽高唐之岨旦為朝雲暮為行雨

客枕勞

夢思

杜詩雲雨荒臺豈夢思

主翁悲琴瑟

禮有喪事撤琴瑟而不御丁晉公榴花詩莫怪

主翁相看好舉家新自洞庭來王荆公詩日暮主翁投客輅周與吉守同鄉不知官于何郡主翁益指其郎將

以悼亡不聽音樂也

生憎見蛾眉

杜詩生憎柳絮白于綿

君亦晚坎軻

楚辭七諫

云年既過半百兮愁軻軻而滯留古詩坎軻常苦辛

有句怨棄遺

退之詩頻蒙怨句刺棄遺

夜

光暗投人

見前注

行向蒙詆嗤相思秋日黃

杜詩血戰乾坤赤氛迷日

月黃又錦城睡日黃

西嶺含半規

謝靈運詩密林含餘清遠峯隱半規白樂天悲清秋賦云西

陽半規映鳥欲沒

老矣失少味尚能詩酒為忽解扁舟下何年

復來茲寄聲緩行李

鮑明遠詩願爾篤行李此反其意

激箭無由追

賈誼

傳矢激則速白樂天詩年光同激箭

歐陽從道許寄金橘以詩督之

元注曰從道參禪嘗有言句來頗聞

數從歌舞
飲故及之

禪客入秋無氣息

白樂天詩掩鏡望東寺降心謝禪客

想依紅袖醉氍毹

射雉賦數藻翰之陪鯉上薄回反下蘇來及二字玉篇云鳳舞

霜枝搖落黃金彈許送

筠籠殊未來

西京雜記韓嫣好彈以黃金為丸杜詩西蜀櫻桃也自紅野人相贈滿筠籠

次韻吉老十小詩

什襲發硃刀

見前注

無名自貴高秋衣猶葛製

重裘兼味養大賢冰

食葛製神所憐
退之苦寒歌也

午飯厭溪毛

潤溪沼止之毛見左傳

萬木霜搖落

見前注

山呈斧鑿痕

退之時徒觀斧鑿痕不勝治水航

癡蠅

思附尾

史記伯夷傳顏淵雖篤學附驥尾而行益顯索隱曰蒼蠅附驥尾而致千里後漢書蒼蠅之飛

不過十步若附

警鶴畏乘軒

衛懿公好鶴鶴有乘軒者見左傳閔二年

驥尾日馳千里

日短循除廡溪寒出白科

白科見上注

官居圖畫裏

杜詩飛閣捲簾

圖畫裏

小鴨睡枯荷

謂薰爐也李義山詩云睡鴨香爐換夕薰

眼看人換世

文選歎逝賦川閱水以成川水滔滔而日度世閱人而為世人冉冉而行暮人何世

而弗新世何人之能故歐陽公夢中詩晷罷不知人換世

手種木成陰

杜牧之詩綠葉成陰子滿

枝

藏拙無三窟

見前注

談禪劇七禽

談禪問答之間譬若孔明之于孟獲七縱

七禽也詳見寄

謝外舅詩注

寒水幾痕落秋山萬竅號

莊子齊物篇大塊噫氣其名
為風是惟無作作則萬竅怒

號

紅梨啄烏鵲殘菊掛蠅蛸

詩東山云蠅蛸在戶柳子
厚詩庭除盛蓬艾陳牖懸

蛸

佳人斗南北

集中有詩云故人南
箕與北斗言離別也

美酒玉東西

酒杯名
王荆公

詩舞急錦腰迎十八

夢鹿分真鹿

列子曰鄭人有薪于
野者遇駭鹿御之擊

酒酣金盞照東西

之斃之恐人見之也遠而藏之墮中覆之以蕉俄而遺
其所藏之處遂以為夢馬順詠其事傍人有聞者用其

言而取之薪者之歸不厭失鹿其夜真夢藏之之處又
夢得之之主旦與案所夢而尋得之遂訟而爭之歸之

士師士師
請二分之

無雞應木雞

莊子達生篇紀渚子為王養鬪雞曰望之似木雞矣異雞無敢

應者反

走矣

斷鼻昔常爾絕絃知者稀無人與爭長惟有釣魚磯

並見

前注

茵席絮剪繭枕囊收決明

杜詩階下決明顏色鮮

南風入畫夢起

坐是松聲

夢中聞風起及覺乃松聲也如楞嚴經云如重睡人具家有人搗練舂米其人夢中聞舂

搗聲別作他物或為擊鼓或為撞鐘宋王高唐賦云俯視崢嶸不見其底虛聞松聲

半菽一瓢飲

項籍傳卒食半菽論語顏子一瓢飲

懸鵲百結衣

荀子曰子夏家貧衣

若懸鵝董京隱居白杜以殘縷絮帛為
衣號百結衣杜詩敝衣何啻聯百結
蕭條鬼不瞰

其室見

前注 聊可與同歸

揚雄逐貧賦其末云貧遂不去與
我遊息此用其意白樂天詩歲晚

青山路白

首期同歸

學似斲輪扁

見前注

詩如飯顆山

本事詩李白嘲杜甫詩
飯顆山頭逢杜甫頭戴

笠子日卓午偕問年來太
瘦生總為從前作詩苦

室中餘一劍無氣斗牛間

見前

注

次韻吉老寄君庸

何郎生事四立壁

見前注

心地高明百不憂

杜詩願聞第
一義迴向心

地初心地本出佛書杜詩
又云吾知徐公百不憂

白眼醉來思阮籍

見前注

碧雲

吟罷對湯休

文選江文通擬休上人詩曰暮碧雲合佳人殊未來沙門惠休本姓湯

諸公

著力書交上尺璧深藏價未酬空使君如巢幕燕將雛

處處度春秋

燕之巢于幕上見左傳樂府有風將雛

聞吉老縣丞按田在萬安山中

苦雨初聞喚婦鳩

左傳昭四年申豐曰春無淩風秋無苦雨歐陽公詩天將陰鳴鳩逐婦鳴

中林鳩婦起啼無好音天雨止鳩呼婦歸鳴且喜婦不亟還呼不已

紅妝滿院木蕖秋

木蕖

即木芙蓉也亦名拒霜花韓柳皆有木芙蓉詩芙蓉亦曰芙蓉韓詩又云平鋪紅蕖茲明鏡此言水芙蓉即荷

花樽前不記崔思立應在諸山最上頭

韓文有藍田縣丞廳壁記云博

陵崔思立黜官再轉而為永滋邑老杜詩安得萬丈梯為君上上頭又詩東山氣濛鴻宮殿居上頭

次韻喜陳吉老還家二絕

公庭無事吏人休

日至休吏見前注

垂箔寒廳對奕秋

孟子云使奕秋

誨二人弈

催織青籠篳白酒竹爐煨栗煮雞頭

夜寒客枕多歸夢歸得黃柑紫蔗秋小雨對談揮麈尾

麈尾見前注

青燈分坐寫蠅頭

南史齊衡陽王巾箱五經蠅頭細書

再次韻答吉老二首

水宿風餐甚勞苦

文選升天行云風餐委松宿雲卧恣天行謝靈運詩客遊倦水宿風潮難

具論勉旃吾子富春秋

漢楊惲書願勉旃母多談富春秋見前注

我愧疲民欲

歸去麥田春雨把鋤頭

傳燈錄傳大士頌云空手把鋤頭步行騎水牛山谷屢寫此頌

賢勞王事一歸休

孟子此英非王事我獨賢勞也

霜落園林失九秋想

得君家烏鵲喜蛛絲紫繞玉搔頭

李固傳搔頭吳娑注引西京雜記武帝遇

李夫人就取玉簪搔頭西京雜記目矚得酒食燈火花花得錢財乾鵲噪而行人至如蛛集而百事喜

太和奉呈吉老縣丞

山擁鳩民縣

左傳隱八年君釋三國之圖以鳩其民君之惠也注云鳩集也

江橫決事

廳土風尊健訟吏道要繁刑觥觥今無種

觥胡瓦切觥除倚切此兩

姓今無人矣按後漢儒林注丹傳時中山觥陽鴻亦以孟氏易教授有名又按姓氏書觥姓古有善聽者觥俞汲黯傳公以此無種矣蒲盧教未形

禮中庸云夫政也者蒲盧也注云蒲盧螺贏謂土蜂也詩

云螟蛉有子螺贏負之螟蛉桑蟲也蒲盧取桑蟲之子化為己子政之于民亦然釋文云爾雅螺贏蒲盧之今

細腰

里多齊閻氏

元注云閻氏漢書音閻而今濟南田家有此姓音諫

材謝宋庖

丁庖丁莊子不言宋當攷

令尹三年課斯人萬物靈

泰誓曰惟人萬物之靈

吾方師豈弟僚友助丹青

丹青謂緣飾吏事也楊子或問聖人之言炳若丹青

次韻知命永和道中

知命名叔達

靈骨閱金鑠

續玄佐錄延州有婦人少年子悉與之狎
昵數歲而沒葬于道左大厓中有胡僧敬

禮其墓曰此乃大慈悲喜捨即鑠骨薩薩也衆聞墓視
其骨鈎結如鑠狀世傳觀音化身所謂金沙灘頭馬郎

婦類

梵宮超玉繩

選詩玉繩低建章玉繩
星名言超出星辰之上

道人住香火

獨先開淨行

柳子厚詩始悟三空門華堂開淨域東坡
云酌茗開淨筵山谷處獨先開淨行其意

一也

又山谷為惠林冲禪
師燒香頌西瞿耶尼開淨

呼船久無人月沉河漢傾

杜詩

七星在北戶河漢
聲西流謂天河也

虛舟不受怒故在蓼灘橫

莊子山木
篇方舟而

濟于河有虛舟來觸舟
雖有褊心之人不怒

次韻吉老知命同遊青原二首

洗鉢尋思去

傳燈錄行思禪師傳師得法于曹溪住吉州青原山靜居寺六祖將示寂有沙彌希

遷問曰和尚百年後希遷當依附何人祖曰尋思去及祖順世遷每於靜處端坐第一生曰汝有師兄行思和

尚今住吉州汝因緣在彼師言甚直汝自迷耳 遷便禮辭直詣靜居 論詩匡鼎來 見前 鷗

窺錫處井

如羅浮山卓錫泉也梁景泰禪師居此山病無水師卓錫于地泉涌數尺自是得井唐子

西作記又如舒州三祖山飛錫泉寶公自金陵飛錫而至以相山谷寺基泉為之湧出見同安志 魚泳

釣時臺垂足收親子

師既付法希遷垂一足遵禮拜尋辭往南嶽即南嶽石頭和尚也

存身亘劫灰

漢武帝穿昆明池恚是灰有外國胡僧曰此天地劫灰之餘見高僧傳李白詩留歡

若可盡劫 僧雛手金鑰一為道人開

杜詩不寢聽金鑰

至人來有會吾道本無家

莊子至人無已賈誼鵬賦至人遺物獨與道俱

閱世

魚行水遺書鳥印沙

見前注

齋孟香佛飯法席雨天花

並見

維摩經

時有清談勝還同歎永嘉

晉書不意永嘉之末復聞正始之音

次韻知命入青原山口

坑路羊腸繞

魏武苦寒行羊腸坂詰曲車輪為之推注太行羊腸在太原

稻田碁局

方林間塔餘寸風外竹斜行吠客犬反走驚人鳥坐忙

山形與祖印岑絕兩相當

傳燈錄中華初祖達磨傳慧可曰諸佛法印可得聞乎又

云內傳法印以契證心漢衛霍領兵與匈奴殺戮常相當白樂天詩牕與竹相當

次韻吉老遊青原將歸

欣欣林臯樂

莊子知北篇山林與臯壤與使我欣欣然而樂與

賞心天際翔

文選

謝靈運詩序賞心樂事又詩靈境信淹留賞心非徒設殷重文詩雲天亦遼亮時與賞心遇

清樽鱸

魴鯉

詩六月云魚鱉膾鯉采綠云其釣維何維魴及鯉

朱果實圓方

謝朓詩夏李沈朱實

文選南都賦珍羞琅玕充溢國方王仲宣詩嘉肴充圓方

罷罷聽疎雨

孟浩然詩疎雨滴梧桐

衾寒夢國香

左傳宣三年初鄭文公有賤妾曰燕姑夢天使與已蘭曰余為伯條余而祖也以是

為而子以蘭有國香人服媚之如是既而文公見之與之蘭而御之生穆公名之曰蘭

雨餘山吐

月

杜詩四更山吐月

的皪滿簾霜

上林賦明月珠子的皪江靡

展轉復展轉

詩展轉反側張籍宛轉行云

宛轉復宛轉憶憶更未央 鍾魚曉瑯瑯思歸笑迎門

兒女相扶將

古詩歸來兒女笑迎門扶將出拜見前注

喜知命弟自青原歸

為吏困米鹽

見前注

曲肱夢靈泉諒非調鼎手正覺荷鋤

便

文選潘岳詩王生和鼎實淵明詩帶月荷鋤歸

在公雖勤苦

詩風夜在公

歸喜叔

山禪

莊子德允符篇魯有兀者叔山無趾踵見仲尼知命山谷弟也足蹇故比之叔山

去我忽

數日草蟲傍牀煎

詩十月蟋蟀入我牀下樂天聞蟲詩猶恐愁人暫得睡聲聲移近卧牀前

屋角鳥鳥樂

見前注

行輿響檐肩

退之聯句刈熟檐肩頽

色解分柿

栗

老杜北征詩
粉黛亦解色

兒女闌樽前白紵繞祖塔

知命布衣也
故稱白紵鮑

照集有白紵歌沈約有四時白紵歌
思公塔見前次韻周法曹遊青原寺

香攜青原煙玄珠

一百八

莊子象罔得玄
珠以言數珠也

夜紉湘縷穿

內則紉箴請補綴
紉女陳反湘當作

湘按說文網
帛淺黃色也

高林風落子老僧選霜堅

杜詩葉裏松
子僧前落

袖

中出新詩山水含碧鮮五言吾老矣佳句付惠連

謝靈運詩

山水含清暉惠連靈運
弟也事見南史本傳

寄張宣父

建德之國有佳人

莊子山木篇市南宜僚謂魯君曰南
越有邑焉名為建德之國其民愚而

朴少私而寡欲知作而不知藏與而不求其報猖狂妄行乃蹈乎大方吾願君去國捐俗與道相輔而行莊周益寓言也文選江文通雜擬詩云幸遊建德鄉亦用此事而池州有建德縣張宜父乃此縣人耶明珠

為佩玉為衣去國三歲阻音徽

詩太似嗣徽音箋云徽美也

所種桃

李民愛之

見前過太湖僧寺得宗汝為寄山嶺白酒寄答詩注

射陽城邊春爛漫

楚州山陽縣本漢弋陽縣地張宜父當是建德人而仕于山陽時已解去

柳暗學宮鳥相喚

追隨裘馬多少年

老杜壯遊詩放蕩齊趙間裘馬頗清狂退之云從茲富裘馬寧復茹蓁蕨

肥馬輕裘本出論語

獨忍長飢把書卷

秦韜王貴公子行却笑儒生把書卷學得顏回忍飢

面讀書萬卷不值錢

一作筆有神杜詩讀書破萬卷下筆如有神漢灌夫傳夫曰平生毀

程不識不直一錢此用其字太白詩吟詩
作賦北窻裏萬言不值一杯水此用其意
逐貧不去與

忘年

一作交親揚雄有逐貧賦莊子忘年忘義稱衡始
弱冠孔融年四十為忘年友南史江總傳與張纘

等為忘年友杜詩清談
見滋味爾輩可忘年

虎豹文章被禽縛

易大人虎變
其文炳也君

子豹變其
文蔚也

何如達生自娛樂

莊子有
達生篇

送彥孚主簿

彥孚姓黃故
有吾宗之語

斯文當兩都江夏世無雙

後漢黃香傳京師號曰
天下無雙江夏黃童

叔度

初不言漢庭望風降

黃憲傳憲字叔度論曰黃憲言論
風旨無所傳聞然士君子見之者

靡不服深
遠去疵各

中間眇人物

王逸少帖云當今人物眇
然而艱疾若此令人短氣
潛伏

老腔

元注云許江切

本朝開典禮

易繫辭云觀其會通以行其典禮

械櫟作

株橈

大雅械櫟文王能官人也芄芄械櫟薪之樵之詩人謂小木可為薪山谷以為可作株橈皆言無棄

材也若子吾處也若櫟株拘退之詩寧豁斲株櫟又云斬伐枿與橈

世父盛文藻

集中有豐城詩

自注云有世父長善石隄記韓退之薦士詩云國朝盛文章本出宋王神女賦其盛飾也則羅紈綺績盛文章

如陸海潘江

鍾鏐詩品云陸才如海潘才如江

三戰士皆北

管仲曰吾嘗三戰三

北鮑叔不以我為怯今云士皆北言其勝也

韞弓錦韜

韜弓下射之斃一人韞弓毛詩之子

于狩言韞其弓爾雅素錦綢杠注旗之竿

白衣受傳詔短命終螢牕

論語顏回不幸

短命晉車武子家貧不常得油練囊盛數十螢火以照書退之詩安居守螢牕

夢升卧南陽者

舊無兩龐

謂龐德公及其從子士元也見後漢德公傳及蜀志龐統傳

空鏡歐陽銘

松風悲隴瀧

音雙退之詩籍乃隴頭瀧又有瀧吏詩亦音閏江切歐陽文忠集有黃夢升墓誌銘

云諱注

四海羣從間爾來頗瑱

士耕切

淙

士江切退之聯句切音玉淙瑱淙兩

音

主簿吾宗秀

李邕詩吾宗固神秀體物寫謀長

其能任為邦

論語善人為邦

百軀幹雖眇小

杜詩子雖軀幹小老氣橫九州

勇沉鼎可扛

項籍傳力扛鼎

擇

師別陳許

孟子云陳相見許行而大悅盡棄其學而學焉

取友觀昇逢

孟子云逢蒙學

射於羿盡羿之道思天下惟羿為愈已於是殺羿又云其取友必端矣

折腰佐髯令

陶潛詩不

能為五斗米折腰

邑訟銷吠虎

詩無使虎也吠

時邀府中飲下箔蠟燒

缸

杜詩銅盤燒蠟光吐白謝希逸宋妃誅金缸煖芳玉座寒

紅裳笑千金

異聞實錄楊續于昭

應寺讀書每見一紅裳女子騷之乃經幢中燈列女傳

楚成王夫人鄭督初成王登臺督直行不顧王曰顧吾

與汝千金娶不一顧鮑明遠詩千金顧

清夜酒百缸同

笑買芳年太白詩美人一笑千金

僚有惡少嘲謔語亂

管子曰四民雜處則其言訕訕亂也退之詩子言得無訕

君但隱几笑

莊子隱几而坐

諸老嘆敦龐

左氏成十六年傳曰民生敦龐

況乃

工朱墨

見前注

氣和信甚缸

莊子德厚信缸注云魁實貌

持此應時須

杜詩竇氏檢

十年擁麾幢

退之詩不令見麾幢

相逢常鞅掌

詩杜山或

察應時須

王事 鞅掌 衙鼓趨擊擊

詩靈臺鼙鼓逢逢

簿書敗清談

王戎傳阮籍曰俗物已復

來敗人意 汗顏更縱縱 子虛賦縱金鼓退之詩扶机此摘其事 導之言曲節初縱縱音憲 臨

分何以贈 退之云臨分不汝 誑有路即歸田 要我賦蘭注 子虛賦註 黃

華雖衆笑 莊子天地篇大聲不入於里耳折楊皇華則嗑然而笑注折楊黃華古之俗中小曲樂府

解題有折楊柳黃華子舒元興悲刺溪古籛文使周南風骨折入于楊柳黃華中李白詩折楊黃華合流俗晉

君聽琴 枉清角 白雪不同腔 陽春白雪歌見前 寄李師戴詩注 野人甘芹味文

嵇叔夜絕交書云野人有快炙背而美芹子者欲獻之至尊亦已疏矣事見列子 敢饋厭羊羜

退之云酒 壺飯羊羜 顧子百短拙 百拙見答魏 道輔詩注 飽腹饒臍 音江

切退之詩連日挾 所有形軀頗臍臍 惟思解官去一丘事耕耒 音憲集韻 云不耕而

種

君當取富貴鐘鼓羅擊撞

漢田蚡傳前堂羅鐘鼓立曲旃退之詩金石日擊撞

伏藏鼪鼯徑

莊子徐無鬼篇逃虛空者藜藿柱乎鼪鼯之徑聞人足音蹙然而喜矣

猶想

足音蹙

莊子音義云蹙巨恭曲恭反又苦江反

寄餘干徐隱甫

餘干縣屬饒州

江行長遭回

楚辭遭吾道兮洞庭又云回遭回而不息

風水憂索米

東方朔傳無令

但索長安米

相逢解人頤

匡衡傳匡說詩解人頤

高士徐孺子

後漢徐孺子

子鷓鴣葭葦間煮茗當酌醴

詩以御賓客且以酌醴樂天詩聊將茶代酒

夜

船餉蒸鵝白髮厭甘旨

禮記內則慈以旨甘

東江始分風

廬山廟有神分

風送客舟
見神仙傳
苔網饋百紙
後漢蔡倫傳造意用樹膚
麻頭及敝布魚網以為紙
遣兵

夜賦詩月冷石齒齒
退之羅池廟碑桂樹
別來星環天

左傳襄九年是為一終一星終也注歲星十二歲
一周天韓文公詩天星回環數繞周謂周歲也
再見

艷桃李
退之詩偶逢明月曜桃李
寄聲良勞動
集中有答

寄聲甚勞動即良勞動也趙廣漢傳寄聲謝我張耳
傳勞苦如平生歡師古曰勞苦相勞問其勤苦也
報

我闕雙鯉
並見前注
但聞佳邑政
桎械生菌耳
蓮經普門品云或因禁枷

鎖手足
頗聞延諸儒
破訟作詩禮
顧予白下邑
山谷先有詩黃

綬今為白下令自注云太和縣古白下按寰宇記太和
漢為廬陵縣也隋改為太和唐貞元三年移歸白下驛

西置即今治也

庭聚雨前蟻

李義山詩聞若雨前蟻多于秋後蠅義山以言洞庭魚山谷以言縣

庭人聚

珥筆誦漢章錐刀爭未已

珥筆錐刀見前注

初無得民具

周禮太宰一日牧以地得民二曰長以貴得民言得民者九

名實正爾爾

爾爾魏晉問語也崔

琰傳生女爾爾阮咸傳聊復爾爾

願聞庖丁方江湖天到水遙知解千

牛

庖丁解牛見前注

袖手笑血指

退之祭柳子厚云不善為跼血指汗顏巧匠旁觀縮手袖

聞

書來儻垂教改事從此始

左傳宣十二年不泯其社稷使改事君退之詩君其

務貴過我亦請改事

奉答李和甫代簡二絕句

山色江聲相與清

杜詩湖水林風相與清

卷簾待得月華生

歐陽公歌

曲云欄干倚徧待得月華生

可憐一曲並船笛說盡故人離別情

夢中往事隨心見醉裏繁華亂眼生

太白詩不知繁華子擾擾何所迫

長為風流惱人病不如天性總無情

贈王環中

丹霞不跼長安道

傳燈錄丹霞天然禪師初習儒學將入長安應舉方宿逆旅偶一禪客問

曰仁者何往曰選官去客曰選官何如選佛遂直造江西見馬大師

生涯蕭條破席帽囊

中收得劫初鈴

寶積經云善順菩薩得劫初時閻浮金鈴于四衢中高聲言此舍衛中誰最貧

窮富以此鈴而施與時有耆舊最勝長者云我于此城
最為貧窮可施于我菩薩曰汝非貧者有波斯匿王最
為貧者而施與之今齋此鈴願以相奉復說偈言若人
多貪求積財無厭足如是狂亂者名為最貧人王聞斯
語內懷慙愧曰仁者汝雖善勸我有未信為汝自說為
有證乎答曰汝不聞耶如來至真等正覺當證大王是
貧窮人王言我願相與往見如來于是善順菩薩說偈
遙請如來從地湧出爾時世尊告言大王當知或有于
法善順貧窮王當富貴或有于法王為貧窮善順富貴
所以者何身登王位于世自在王為貴貴善順貧窮勤
特梵行樂特尸羅善
順富貴王為貧窮
夜靜月明獅子吼
傳燈錄釋迦牟尼佛生兜率天

分手指天地
作獅子吼聲
那伽定後一爐香
譯梵曰那伽
此云龍也
牛沒馬回

觀六道

牛頭沒馬頭回曹溪鏡裏絕塵埃山谷喜書
此偈傳燈錄寶誌十讚云輪迴六道不停結者

域歸來日未西一鋤識盡婆婆草

高僧傳耆域天竺人神竒任性迹行不常

且善醫見本傳

戲和于寺丞乞王醇老米

君不見公車待詔老詼諧幾年索米長安街

謂東方朔並見前注

君不見杜陵白頭在同谷夜提長鑱掘黃獨

老杜集云乾元中寓

居同谷縣作歌七首其一云長鑱長鑱白木柄我生託子以為命黃獨無苗山雪盛短衣數挽不掩脛山谷云徃時儒者不解黃獨義改為黃精學者承之以予考之蓋黃獨是也本草補解肉白皮黃巴漢人蒸食之江東謂之土芋江西謂之土

邠蒸煮食之類芋艿

文人古來例寒餓安得野蠶成

蘭天雨粟

漢光武紀野蠶成繭被于山阜淮南子昔者蒼頡作書而天雨粟史記天雨粟鬼夜哭

王家圭田登幾斛

孟子卿以下必有圭田圭田五十畝

于家買桂炊白玉

戰國策蘇秦曰使臣食玉炊桂山谷前集又有詩云薪桂炊白玉

答永新宗令寄石耳

永新與太和皆吉州屬邑

饑欲食首山薇

史記伯夷傳義不食周粟隱于首陽山采薇而食之

渴欲飲潁川

水

莊子讓王篇故許由娛于潁陽後漢逸民傳序云堯稱則天不屈潁陽之高注云潁陽謂巢許陸士衡猛

虎行渴不飲盜泉水水熱不息惡木陰太白詩有耳莫洗潁川水有口莫食首陽薇

嘉禾令君清

如冰

文選白頭岑清如玉壺冰裏字記永新縣西北有禾山

寄我南山石上耳筠

籠動浮煙雨姿淪湯磨沙光陸離莊子云疏淪而心深

落陸離爛

竹萌粉餌相發揮

爾雅筍竹萌禮記肉則糗餌粉醅劉夢得揚柳枝詞

漫遠遷

云桃紅李白皆誇好

芥薑作辛和味宜

禮記王制中國夷蠻戎狄皆有

須得垂揚相發揮

安居和味宜服

公庭退食飽下筯

詩退食自公晉書無下筯處

把菊避席遺

萍蘂

陸龜蒙有把菊賦非萍蘂見石崇傳借使孝經曾子避席字

鴈門天花不復憶

代州鴈門郡五

況乃桑鵝與楮雞

桑鵝未詳東坡和陶詩云老楮生樹雞當

臺山有天花萼

是黃耳菊之屬小人蒸美亦易足嘉蔬遣餉荷眷私吾聞石耳

之生常在蒼崖之絕壁

老杜掛君高堂之素壁此用其句俚

苔衣石腴風

日炙

苔衣石髮
見前注

捫蘿挽葛采萬仞

文選謝靈運詩薜蘿若在眼又云葛弱豈

可仄足委骨豺虎宅

莊子側足而墊之及黃泉

佩刀買犢劔買牛

漢

遂傳民有帶持刀劔者使賣劔買牛賣刀買犢曰何為帶牛佩犢

作民父母今得職

漢趙

廣漢傳盛制豪強小民得職注云職常也 閔仲叔不以口腹累安邑

後漢書太原閔

仲叔世稱節士客居安邑日買猪肝一片屠者或不肯與安邑令聞敕吏常給焉仲叔曰閔仲叔豈以口腹累

安邑 耶 我其敢用鮭菜煩嘉禾

鮭菜見前注

願公不復甘此鼎

免使射利登嵯峨

文選吳都賦富中之氓貧殖之選乘時射利財豐巨萬司馬相如賦至入

曾宮之

嵯峨

贈朱方李道人

顏骨橫穿壽門過年比數珠剝三顆

傳燈錄趙州從諗禪師傳俗壽一百

二十歲嘗有人問師年多橫吹鐵笛如怒雷國初舊人

惟有我

劉禹錫與歌者米嘉榮云舊人惟有米嘉榮

題前定錄贈李伯牖二首

五賊追奔十二宮

維摩經云樂離五欲樂觀五陰如怨賊五陰即多心經五蘊皆空也色受

想行識是為五陰東坡詩君知五

白頭寒士黑頭公

晉王

珣與謝玄俱為桓溫所重

明朝一飯先書籍

前定錄韓晉公滉在

中書嘗召一吏不時至將撻之吏曰某不幸兼屬陰司主三品以上食料公曰若然吾明日當何食吏請疏于紙明旦既對適太官進饌糜上以半賜公食之羹又賜焉退而腹脹進橘皮湯夜咤漿水粥及旦視其書皆如其說因問以人間所食皆有籍耶對曰然三品以上日支五品旬支六品至九品季支庶人歲支安用

研桑作老翁

班固賓戲研桑心計于無垠研計然桑桑宏羊

萬般盡被鬼神戲看取人間傀儡棚

樂府雜錄傀儡起漢平城之圍陳平

訪知關氏妬忌造木偶運機關舞瑋間閔氏望見謂是生人慮下城胃頓必納之遂退軍後翻為戲舊唐書樂

志云又有窟煩惱自無安腳處從他鼓笛弄浮生

傳燈錄梁

寶誌十讚云衆生身同太厖煩惱何處安脚

靜君寺上方南入一徑有釣臺氣象甚古而俗傳

謬妄意嘗有隱君子漁釣其上感之作詩

吉州青原山靜

居寺行思
禪師道場

避世一丘壑

論語且而與其從辟人之士也豈若從辟世之士哉漁釣于一壑栖遲于一丘見班

固叙

似漁非世漁

柳子厚饒娥碑世漁鄒永

獨吟嘉橘頌

屈原九章有嘉橘頌

老杜詩向來嘉橘頌誰欲討尊羹

不遺子公書

漢陳咸傳予陳湯書曰即蒙子公力得入帝城

死不恨

筍蕨園林晚繚緡歲月除

詩其釣維何維緡伊緡

安知冶容

子

易繫辭曰冶容蕢淫

紅袖泣前魚

文選阮嗣宗詩昔日繁華子安陵與龍陽注云說苑曰安

陵纒得幸於楚恭王云云戰國策云龍陽君釣十餘魚而泣下王問之對曰臣始得魚甚喜後得益多而遂欲棄前所得也今臣得拂枕席爵至人君走人於庭避人於途四海之內美人甚多矣聞臣得幸於王褻褻而趨王臣亦曩之所得魚也亦將棄矣陸韓卿詩云子瑕矯後駕安陵泣前魚注云泣魚是龍陽非安陵

高至言築亭于家園以奉親總其觀覽之富

退之南山

詩崎嶇山軒昂始得觀覽富

命曰溪亭乞余賦詩余先君之敝

廬

左傳猶有先人之敝廬在

望高子所築不過十牛鳴地耳

釋氏

書五里為一牛鳴王荆公詩潮溝直下兩牛鳴十畝連潯一草亭又詩京峴城南隱映深兩牛鳴地

林得禪

故余未嘗登臨而得其勝處

逸人生長在林泉

太白詩追想悲逸人巖居陵丹梯

更築亭臯名意任

上林賦亭臯千里靡不被築

明月清風共一家

傳燈錄張拙頌云凡聖舍靈共我家南史

謝謔傳入吾室者但有清風對吾飲者惟當明月

全以山川為眼界

多心經無眼界無意

識鳥度雲行閱古今

太白詩人行明鏡中鳥度屏風裏易云雲行雨施

溪濱木

未聽竽籟

杜詩萬籟真笙竽本出高唐賦纖條悲鳴聲似竽籟

老夫平生行樂處

前漢楊惲傳人生行樂耳

只今許公分一派

東坡集中文與可畫竹記云傳為徐州與可以

書遺余曰近語士大夫吾墨竹一派近在彭城可往求之

題息軒

僧開小檻籠沙界

金剛經以恒河沙數三千大千世界文選頭陀老碑演勿照之明而鑒窮

沙界李善注亦引金剛經

鬱鬱參天翠竹叢

老杜古柏行黛色參天二十尺

萬籟參

差寫明月一家寥落共清風

萬籟一家並見前注

蒲團禪板無人

付

過禪板來過蒲團來見前注

茶鼎薰爐與客同

文選雪賦燎薰爐兮炳明燭

萬

水千山尋祖意歸來笑殺舊時翁

僧貫休詩萬水千山得得來祖師意見前

題神移仁壽塔

十二觀音無正面

僧伽至臨淮嘗臥賀跋氏家現十二面觀音形其家欣慶遂捨宅焉即今

寺也見宋僧傳問十二面觀音阿那面正見傳燈錄義玄禪師傳

誰令塔戶向東開

大醫

釋師示寂後明年四月
八日塔戶無故自開

定知四梵神通力

阿舍經曰世尊說四梵福

若能補理故寺是謂
二梵之福見初學記

曾借六丁風雨推

老君六丁符圖云丁卯神司馬

卿丁丑神趙子玉丁亥神張文通丁酉神成文公丁未
神石叔通丁巳神崔巨卿退之詩天官敕六丁雷電卜

取蠅說冰霜如夢寐

莊子秋水篇井蛙不可以語於海夏蟲不可以語於冰

鸚聞

鍾鼓亦驚猜

連生篇譬之若載鰥以車馬樂鷄以鍾鼓也彼又烏能無驚乎哉

從今不

信維摩詰斷取三千世界來

維摩經斷取三千大千世界如陶家輪著右掌中擲

過恒沙世
界之外

題海首座壁

騎虎度諸嶺

天台豐千禪師居天台山國清寺嘗誦唱道歌乘虎入松門衆僧驚畏見傳燈錄杜

詩有時騎猛虎

入鷗同一波

王立之詩詒云方時敏言荆公云鷗鳥不驚之類如

虛室使仙童

何作語則好故山谷

香寒明鼻觀

楞嚴經云世尊敎我觀鼻端白曰永

有云入鷗同一波

稱頭陀

文選頭陀寺碑李善曰天竺言頭陀此言斗數蓋斗數煩惱也白樂天詩百衲頭陀任運僧

題仁上座畫松

偃蹇松枝隔煙雨知儂定是歲寒材百年根節要老硬

傳燈錄巖頭云德山老
人一條脊骨硬如鐵

將恐崩崖倒石來

太白詩崩崖轉石萬壑雷

摩詰畫

丹青王右轄詩句妙九州

唐王維傳維字摩詰遷尚書右丞畫思入神至山水平遠

雲勢石色繪工以爲天機所到學者不及也別墅在輞川賦詩爲樂

物外常獨往

物外見前淮南

子江海之士山谷之人輕天地細萬物而獨往

人間無所求袖手南山雨輞川

桑柘秋胸中有佳處涇渭看同流

詩谷風注云涇渭相入而有清濁杜詩濁

涇清渭何當分

追憶余泊舟西江事次韻

江西泊舟後作

注云太和小船板上塵土中得此詩

莆田李才甫

江水冥冥沙石陰一舸行盡春已深浪花綠蔓

曳錦帶短蘆刺水抽玉簪飢魚未沉波面筒小
舫正橫溪上風清輝濯淨遠山碧白鳥飛入蒼

煙叢

老大無機如漢陰

見前注

白鳥不去相知深

文選江文通詩豐豐玄思

清曾中去機巧物我俱忘懷可以狎鷗鳥李太白鳴皋歌云白鷗兮飛來與君兮相親

往事刻舟

求墜劍

呂氏春秋察令篇楚人有涉江者其劍自舟中墜於水遽契其舟曰是吾劍之所從墜舟止從

其契者入水求之舟已行矣而劍不可求懷人揮淚著

直略反

亡簪

韓詩外傳孔子出遊

少源之野有婦人中澤而哭甚哀使弟子問焉婦人曰向者刈薪亡吾簪簪是以哀也弟子曰亡簪簪有何悲

焉婦人曰非傷亡
簪也蓋不忘故也
城南鼓罷吹聲畫
筒城北歸帆落晚

風人煙犬吠西山麓
鬼火狐鳴春竹叢

杜詩陰房鬼火
青漢陳勝傳叢

祠中夜篝
火狐鳴

宮亭湖

尋陽志江州德化縣東四十五里有彭蠡
湖荊州記曰宮亭湖即彭蠡澤又謂之彭

澤又謂之滙澤山谷癸亥解太和歸途作蓋
歸舟自湖濱入修江由武寧而至分寧耳

左手作圓右手方

史記龜策傳人雖賢不能左畫方右
畫圓韓非子功名篇右手畫圓左手

畫方不能兩成北史儒林傳劉炫少以聰敏見稱強記
博識莫與為儔左畫圓右畫方口誦目數耳聽三事同
舉無所遺失玉川詩信
手斫方圓規短一一中
世人機敏便可爾一風分送南

北舟斟酌鬼神宜有此江津留語同濟僧他日求我于

官亭吁嗟人蓋自有口獨為藥公不舉酒

神仙傳曰時廬山廟有神

於帳中與人言語飲酒能令官亭湖中分風船行者舉帆相逢藥公未到數日廟中神不復作聲高僧傳安清字世高自言前身已經出家有一同學多與高與談云卿命過當受惡形我若得道必當相度靈帝末行過官亭湖廟廟甚靈能分風送客商旅三十餘船奉牲求福乃降祝曰船有沙門可呼卜高入廟請神出形乃出大蟒頭不知尾之長短高向之胡語蟒悲淚如雨須臾還隱後人於山西澤中見一死蟒頭尾數里今尋陽郡蛇村名曰蛇岡山兩事相類故擇其大槩兩存之

藥公千歲湖冥冥白茅縮酒巫

送迎

左傳貢苞茅不入王祭不共無以縮酒

朱幡皂蓋來託宿

杜詩東藩駐皂蓋後

漢輿服志中二千石二千石皆皂蓋朱兩轡

不聽靈君專此屋雄鴨去隨鷗

鳥飛

尋陽記曰周訪與商人共入宮亭廟宿明起如廁見一白頭翁訪逐之化為雄鴨還船欲煮之商人

爭奪遂飛去

老巫莫歌望翁歸貝闕珠宮開水府

九歌云紫貝闕兮珠

宮靈何為兮水中文選海賦水府之內極深之處

雨棟風簾豈來處

滕王閣序畫棟朝飛

南浦雲朱簾暮捲西山雨

平生來徃湖上舟一官四十已包羞

山谷自言

平生往來于此故經行詩難辨其歲月惟一官四十粗可攷見山谷生于已酉至元豐七年甲子恰四十歲時

移監德平鎮易否卦六三包羞

靈君如願儻可乞

錄異傳廬陵歐明從賈客道經彭澤湖每

以舟中所有投湖中後忽見一人來候明云青洪君感君前後有禮故要君必有重遺君勿取獨求如願爾明

見青洪君求如願使逐明去如願者青洪
君婢也明將歸所願輒得數十年大富
收此桑榆老

故丘

桑榆見
前注

元豐癸亥經行石潭寺舊和栖蟾詩甚可笑因

削拊滅藁別和一章

癸亥及元豐六年是歲十二月自太和移德平經塗所作

又按纂異一本云千里追奔兩蝸角百年得意大
槐宮夢回身臥行窻日院靜瑞啼柿葉風世路侵
人頭欽白山僧笑我類猶紅壁間佳句多丘壠問
訊髑髏聊搗蓬題云癸卯歲過宿石潭寺得前朝
詩僧栖蟾長句我之歲行二十一重來讀舊詩復
用其韻按長厯嘉祐八年歲在癸卯至元豐六年
癸亥二十一年前
詩蓋嘉祐癸卯作

千里追奔兩蝸角

蝸角見前

百年得意大槐宮

見宿觀音院詩注空

餘祇夜數行墨

涅槃經云因本經以偈頌名祇夜譯梵祇夜此云重頌

不見伽黎

一臂風

譯梵僧伽黎三衣也

俗眼只如當日白我顏非復向來紅

言俗人猶以白眼相視而吾亦老矣白眼見阮籍傳

浮生不作遊絲上即在塵沙

逐轉蓬

游絲轉蓬見前注

山谷外集詩注卷十三

欽定四庫全書

山谷外集詩注卷十四

宋 黃庭堅 撰

史 容 注

夜發分寧寄杜澗叟

山谷居雙井
隸分寧縣

陽關一曲水東流

渭城朝雨邑輕塵客舍青青柳色新
勸君更盡一杯酒西出陽關無故人

此王維送元二使
安西詩遂爲歌曲

燈火旌陽一釣舟

寰宇記旌陽山在
分寧縣東一里旌

陽詩君曾遊
故以爲名

我自只如常日醉

歐陽公別滁州云我欲
祇如常日醉莫教絃管

作離 滿川風月替人愁

杜牧詩蠟燭有心還惜別替人垂淚到天明王介甫絕句只有

明月西海上伴人征戍替人愁

題杜鰲澗叟冥鴻亭

亭在廬山

少陵杜鴻漸頗薰知見香

唐杜鴻漸傳以宰相兼成都尹性畏怯無他遠畧而溺浮

圖道畏殺戮釋氏書有解脫知見香

風流有諸孫結屋廬山陽藉交游俠

窟

郭璞詩京華游俠窟杜詩蕭條游俠窟

獵友少年場

漢書游俠傳郭解以軀藉友報仇尹

賞傳安所求子死桓東少年場

光怪驚隣里收身反摧藏

收身見前注選詩扶風歌

云抱膝獨摧藏江湖拍天流

退之詩海氣昏昏水拍天

羅網蓋稻梁安能行

衍飽

易漸卦飲食衍不素飽也

遂欲冥冥翔

見前注

畏影走萬里不

如就陰涼

見前注

亭東亭西渺煙水稻田衲子交行李

田稻

衲見和稚川詩注

又僧祇律云佛往王舍城帝釋石窟前經行見稻田畦畔分明語阿難過去諸佛衣相如是

從今依此作依相王摩詰詩乞飯從香積裁衣學水田左傳若舍鄭以為東道主行李之往來共其乏困

靈庵下倚寒藤莫向明窻鑽故紙

古靈禪師云鑽他故紙去

過家

絡緯聲轉急

炙輞子雜錄云莎雞古今注一名促織一名絡緯一名蟋蟀促織謂其聲鳴如急織

也絡緯謂其鳴如紡績織緯也

田車寒不運兒時手種柳上與雲雨近

舍傍舊傭保

司馬相如傳與傭保雜作

少換老欲盡宰木鬱蒼蒼

宰木

見前注

田園變畦畛

周禮遂人溝上有畛

招延屈父黨勞問走婚親

歸來翻作客

唐劉長卿詩舊業今已無歸來反作客

顧影良自哂一生萍

託水

劉伶酒德頌俯觀萬物擾擾焉如江海之載浮萍

萬事雪侵鬢夜闌風隕

霜

隕霜見前注

乾葉落成陣燈花何故喜

杜詩燈花何太喜酒綠正相親

是報書信親年當喜懼

見論語

兕齒欲毀齟

周禮司厲未齟者不為奴

注毀齒也男八歲女七歲初觀切

繫船三百里去夢無一寸

上冢

自公返蓬華

詩自公退食禮記華門圭

稅駕上邱壟

李斯

傳吾未知所稅駕也後漢

霜露此日悲

祭義曰霜露既降君子履之必

有懷愴

松楸千年拱

退之詩深思罷官

養雛數毛羽初

不及承奉康州斷腸猿

山谷父族字亞夫嘗攝康州世說新語桓公至三峽有得猿子

者其母緣岸哀號遂跳上船即絕破視其腹腸寸寸斷李白贈武諤云吾愛子伯禽在魯許為冒胡兵致之其

詩云愛子隔東風枝割永痛

一作風樹終日痛家語卬魯空悲斷腸猿

子欲養而親不待

少年不如人

左傳唐三十年燭之武曰臣之壯也猶不如人今老矣無能為

也登士無前勇髮疎齒牙搖

韓文而髮蒼蒼而齒牙動搖

鯨波怒號

洵

徐陵江行鯨鮪
湯波鼉蛟作浪

願為保家子

左傳昭二年非
保家之主也

敢議世

輕重稱觴太夫人魚菜膽庖供

岑彭傳大長秋以朔望
問太夫人起居退之詩

呼奴具盤餐
釘餽魚菜贍

明叔知縣和示過家上冢二篇復次韻

郭明叔名
知章治平

二年進士元豐中知分寧縣詩中云去
國二十年蓋自太和還家赴德平所作

做邑荷佳政

文選曹子真書
在彼自有佳政

耕桑及時運

淵明有
時運詩

令君

平生歡遠別喜相近

漢鄒陽傳而求
親近于左右

吾友徐光祿死戰

萬事盡

徐禧熙寧五年與沈括等建議城永樂城
成虜騎圍之禧及李舜舉李稷闔城俱沒不見

東陵侯惟見瓜連畛

阮嗣宗詩見前注

且當置是事椎牛會賓

親百年共如此破涕作嘲哂

破涕見柳下見八叔父詩注又李白送姪帝序申悲

道舊破枯荷野塘水照影驚顏鬢功名黃梁炊成敗白涕為笑

蟻陣

呂公邵鄆道上收黃梁事已見錢薛樂道詩注此事與南柯事相類皆出異聞集大聚言淳于棼夢

入槐安國其王妻以女使為南柯太守十年有禮羅國來伐王命棼征之敗績及覺見蟻穴云云山谷多以此

二事為一事事雖不同其義一也又按古今五行記後魏顯宗事有黑蟻與赤蟻鬪赤蟻斷頭而死東魏孝靖

帝時藪下有黃蟻與黑蟻鬪黃蟻盡死

少時無老境負到乃盡信

曲禮六十曰者

指使音義曰耆至也至老境也淵明詩嘗聞長者言此掩耳每不喜奈何五十年忽已親此事蓋用此意

來見抱子

詩云亦既抱子

別日多未斷夜闌如夢寐寒燭泣餘

寸

杜詩夜闌更秉燭相對如夢寐

女蘿上杉松

爾雅唐蒙女蘿菟絲詩葛與女蘿施于松柏文選古詩與君為新婚菟絲附女蘿注

引詩傳云女蘿松蘿也草木疏曰今松蘿蔓松而生菟絲蔓聯草上與松蘿殊異

野葛蔓畦墉

詩葛生蒙楚葳蔓于野

蛛絲網祠屋芝菌生畫拱

老杜新樓成詩云朱拱洪浮細

細輕太白登揚州西靈塔云霞連繡拱張

去國二十年雪涕夙嚴奉

杜甫八哀不知

萬乘出雪涕夙悲鳴李白詩有言不可道雪涕惜蘭芳

更歷飽艱難

左傳楚子入居于申日晉

侯在外其九年矣而果得晉國險阻艱難備嘗之矣

抑搔知痒痛

內則問衣燠寒疾痛苛癢而敬

抑搔

聞道下士笑

老子云下士聞道大笑之

轉物大人勇

楞嚴經一切衆生從

無始果迷已為物失于本心為物所轉若能轉物即同如來

平生隨風波歸來夢猶

洵特此寸草心

孟郊詩誰言寸草心報得三春暉

負荷九鼎重

史記平原君傳

使趙重于

柔嘉無牛羊保身以為供

詩仲山甫之德柔嘉維則又云既明

且哲以保其身

供為供養其母也漢班婕妤傳求供養

太后長信宮退之作歐陽詹哀辭其序云詹父母老矣

捨朝夕之養以來京師其心將以有得而歸為父母榮

也詹在側雖無離憂其志不樂也詹在京師雖有離憂

其志樂也所謂以志養志者歟其詞曰以志為養兮何

有牛羊又按晉周顗母絡秀傳嘗置酒舉觴賜三子曰

吾本渡江託足無所不謂爾等並貴列吾目前當起曰

恐不如尊旨伯仁志大而才短非自全之道嵩性抗直

不容于世惟阿奴碌碌當在
母目下耳保身蓋用此事

次韻郭明叔長歌

山谷真蹟云謹次韻上答知縣奉議惠賜長歌邑子黃庭堅再

拜上其間不同者何如高陽酈生醉落魄作都不如蚶食而蝎跽作蝎跽自可老斲輪作自奇老斲輪公直起作公且起黃花零落作零亂此帖見藏泉江劉薦家亦太和還家時作

君不見懸車劉屯田騎牛澗壑弄潺湲

楚辭觀流水之潺湲白樂天詩

麥芳躡翠弄潺湲八十唇紅眼點漆金鍾舉酒不留殘

謂劉渙凝之也

詳見送劉道純詩注晉杜乂傳眼如點漆度信詩飲酒那得留殘

君不見征西徐尚書

為國捐軀矢石間

徐禧字德占洪州分寧人與山谷同鄉死于永樂之禍已見過家上冢詩

注贈吏部尚書諡忠愍文選曹子龍章鳳姿委秋草稽康

建詩云誰言捐軀易殺身良獨難事見前注唐李揆傳龍章鳳姿士天馬長辭十二閑周禮

不見用輦頭鼠目子乃求官耶校人曰天子十有二閑馬六種王平甫何如高陽酈生詩海鵬未擊三千里天馬須歸十二閑

醉落魄長揖輟洗驚龍顏酈食其傳陳留高陽人落魄無衣食業為里監門沛公畧

地陳留麾下騎士適食其里中子從容言食其食其入謁沛公方踞牀令兩女子洗食其長揖不拜沛公輟洗

起衣謝之漢高紀隆準而龍顏丈夫當年傾意氣太白豪士歌意氣相傾山可移安用

蛭食而蝸陸孟子夫蛭上食稿壤蝸音畝又音曷猶蟻也古人已作泉下土

風義可想猶班班後漢五行志童謡曰車班班入河間郭侯忠信如古人

薦書飛名上九閔

楚辭虎豹九閔咏害下人

詩書自可老斲輪

輪扁行年

七十而老斲輪見莊子

智畧足以解連環

莊子言惠施之辯曰連環可解也

銅章

屈宰山水縣

銅章見前注退之詩出宰山水縣讀書松桂林

友聲相求不我頑

詩求其友聲

鵬翼垂天公直起

莊子其名為鵬翼若乘天之雲

燕巢見社身

思還文思舜禹開言路

杜牧詩文思天子復河湟字本出堯典文思息嗣反又如字即

看承詔著芻冠

漢官儀御史四人持書皆法冠一名柱後一名獬豸冠

尚趨手板

事直指

手板見前注雋不疑傳暴勝之為直指使者

少忍吏道之多艱

漢薛宣傳

吏道以法令為師

黃花零落一尊酒別有天地非人寰

太白詩問君何

事栖碧山笑而不答心自閑桃花流水窅然去別有天地非人間

詠清水巖呈郭明叔

并序

清水巖號為天下勝處去縣庭才二十里一山
空洞如覆青玉盎也寒泉在其間甚壯急至巖
口伏流入石鼻中巖下有石鐘鼓磬其聲清越
不敵袞袞跑跑能警動人世間金草聲亦不足
道也巖前平行畧可坐千人不審旌旆嘗因公

事一游石

山海經河水其源渾渾
泡泡注云水瀆湧之聲

嘗聞清水巖空洞極明好虎狼遷部曲

仙傳捨遺郭文
字文舉隱餘杭

天柱山虎嘗馴擾于左右亦可撫而牽之文出山虎必
隨焉俛首隨行如羊犬耳晉書有傳事亦畧同李廣傳

行無部鐘鼓天擊考唐風子有鍾鼓弗鼓弗考注
考擊也釋文曰鼓本或作擊雲生

臥龍石水入煉丹竈

李白謁老君廟詩流沙
丹竈滅關路紫煙沉

有意攜管

絃

李白詩明朝
有意抱琴來

山祇應洒掃

文選顏延年詩山祇蹕嶠
路李善曰山祇山神也

次韻清水巖

西安封域中

太平寰宇記洪州分寧縣云西安縣故城
在縣西二十里古今志云漢獻帝建安中

置隋開皇元年廢山谷所居雙井
隸分寧且在邦域之中矣見論語清水巖泉好金堂茂

芝朮

晉許邁傳采藥于桐廬餌朮涉三年移入臨安西山登巖茹芝遺王羲之書曰自山陰南至臨安多

有金堂玉室仙人芝草左元故之徒漢末得道者多在焉

仙吏書勲考

劉向列仙傳刑子者上山

山上有臺殿官府仙吏侍衛

桃源人已往千古遺井竈

陶淵明歸田園詩云徘徊

丘壠間依依昔人居井竈有遺處桑竹殘朽株借問雙采薪者此人皆焉如桃源事亦見淵明集已見前注

鳬能來游俗子跡可掃

雙鳬謂郭令也事見前注詩豈第君子來游采歌老杜雨過蘓

端云諸家憶所歷一飯跡便掃又詩苦乏大藥資山林跡如掃

題章和甫釣亭放言

斬木開亭却倚石壁寒潭百雷

文選西京賦複障重閣轉石成雷古木

千尺觀魚樂而相忘

魚樂見莊子

聽鳥啼而自得去而之京

洛之間數年猶常夢蘄巖之石

家語孔子謂弟子曰達山十里聽姑之聲尚猶

耳在

銅官縣望五松山集句

西清詩話云集句自國初有之至石曼卿始大著下

策詩云一生不得文章力欲上青雲未有因聖主不勞千里名嫦娥何惜一枝春鳳凰詔下雖露命射虎叢中也立身啼得血流無用處著朱騎馬是何人至元豐間王荊公益工於此人言起自公非也

北風無時休

退之詩十月陰氣盛北風無時休老杜詩烈風無時休

崩浪聒天響

淵明詩崩浪胎天
蛟鼉好為祟
老杜詩舟楫無根
此物

俱神王

老杜詩天寒大羽
微此物俱神王

我來五松下

太白游五松詩
我來五松下

白髮三千丈

太白云白髮三千
丈緣愁似箇長

松門閉青苔

太白
惜哉

不得往

退之詩惜哉不得
往豈謂吾無能

今日天氣嘉

淵明詩今日天
氣嘉清吹與鳴

彈清絕心有句

老杜云殊姿各獨
立清絕心有句

子雲性嗜酒

淵明云
子雲性

嗜酒家貧
無由得

況乃氣清爽

老杜八
哀詩

此人已成灰

太白詩吟
詠思管樂

此人已
成灰

懷賢盈夢想

太白詩日夕聽猿
愁懷賢盈夢想

衣食當須幾
淵明

詩衣食當須幾
力耕不吾欺

吾得終疎放

老杜詩中原未解
兵吾得終疎放

弱女雖

非男

淵明詩弱女雖非男慰情良勝無蓋山谷時未有男也按遺文有乞奏補姪樸狀云今過明堂大禮

臣子相繞六歲明堂乃元祐四年逆數至元豐七年歲甲子相始生前一年十二月自太和移德平集句蓋經

途所作

出處同世網

老杜八哀詩

搔背牧雞豚

太白詩閑時田野中搔背牧雞

豚

相見得無恙

退之詩憐我竄逐歸相見得無恙

自咸平至太康鞍馬間得十小詩寄懷晏叔原并

問王稚川行李鵝兒黃似酒對酒愛新鵝此他日

醉時與叔原所詠因以為韻

咸平太康兩詠香隸開封府

詩入雞林市

唐白居易傳最工詩當時士人爭傳雞林行賈售其國相率篇易一金

書邀

道士鵝

王羲之傳山陰道士好養鵝羲之固求市之道士云為寫道德經當舉羣相贈羲之欣然寫畢

龍鵝而歸

雲間晏公子風月興如何

晉陸雲傳雲曰雲間陸士龍荀隱曰日下荀鳴

鵝

春風馬上夢樽酒故人持猶作狂時語鄰家乞侍兒

元注

云雅川醉時在傍知狀
○侍兒婢也見表蓋傳

憶同嵇阮輩醉臥酒家牀今日壚邊客初無人姓黃

黃公

壚見前阮籍傳鄰家少婦有美色
當壚沽酒籍嘗詣飲醉便臥其側

對酒誠獨難論詩良不易人生如草木臭味要相似

並見

前注

春色挾曙來

韓詩威風挾惠氣

惱人似官酒酬春無好語懷我

文章友

紅梅定自開有酒無人對歸時應好在常恐風雨晦

詩風

雨如晦定自好在並見前

東南萬里江綠淨一杯酒王孫江南去更得消息否

退之

詩水客與天色此處皆綠淨又云瞰臨渺空闊綠淨不可唾樂天詩澄鮮淨綠表裏光

獻笑果不情

莊子大宗師篇造適不及笑獻笑不及排唐魚朝恩傳釋菜執易升生言賜有覆餗

象以侵宰相王繻怒元戴怡然朝
恩曰怒者常情笑者不可測也

貌親初不爱

禮記情疏而貌

親在小人則穿
竅之道也與

誰言百年交投分一傾盖

投分傾盖見前

四十垂垂老

山谷生于慶歷五年乙酉至元豐七年甲子蓋四十矣時自太和移監德平鎮集中

有代其母叔陳氏女云我祖江南三年搖搖元豐甲子汝兄還朝可見是歲過汴京故在咸平太康之間作此詩僧賈休詩一
瓶一鉢垂垂老文章豈更新鼻端如可斲猶擬為揮斤

斲鼻揮

斤見前

土氣昏風日人囂極鴈鵠

衆口極鴈鵠見前注

尋河著

所

繩墨詩

思畧無多

寄家

近別幾日客愁生固知遠別難為情

文選王昭君詩傳語後世人遠嫁難

為情退之詩人問有累不可住依然離別難為情

夢回官燭不盈把

後漢巴祗與客暗坐

不然官燭杜詩何須把官燭似照鬢毛斑又云浩歌淚盈把又云盈把那須滄海珠璣道鸞續晉陽秋日陶潛

九月九日無酒于宅邊菊叢中摘盈把望見白衣人送酒

猶聽嬌兒索乳聲

退之詩嬌女未

絕乳念之不能忘忽如在我前耳若聞啼聲

古風次韻答初和甫二首

詩云道人四十心如水山谷生于乙酉至元豐

甲子年四十九五詩皆德平作

饑思河鯉與河魴

詩豈其食魚必河之魴豈其取妻必齊之姜豈其食魚必河之鯉豈其取

妻必宋

渴思蔗漿玉盃涼

楚辭招魂云肺鬕炮羔有柘漿前漢禮樂志歌泰尊蔗漿

析朝醒注取甘蔗汁為飲可解

冬願純綿對陰雪

王褒頌云

荷旃被毳者難矣

夏願縹緇度盛陽

國風蒙被縹緇是絀祥也洪範五行

傳盛陰雨雪凝滯而冰寒陽氣薄之不相入則散而為霰盛陽雨水溫暖而陽熱陰氣脅之不相入則轉而為

電

萬端作計身愁苦

王莽傳所以詎耀媚事太后下至旁側方故萬端

一事不

諧鬢蒼浪

後漢宋弘傳帝顧謂主曰事不諧矣蒼浪見前

調笑天街吟海燕

文選

詩調笑輒酬答嘲龍無慙沮李白詩手把一枝菊調笑二千石晉天文志昴畢之間謂之天街梁兵均燕詩一

燕海上來一
燕高堂息
燕羹脫粟非公狂
孔子在陳燕羹不糝王
褒頌云燕羹啗糝者不

足與論太牢之滋味

脫粟見公孫弘傳

君吟春風花草香

杜詩春風
花草香

我愛春夜璧月涼

陳書后妃傳其

曲云璧月
夜夜滿

美人美人隔湘水

杜詩美人胡爲隔秋水貫
休善哉行有美一人兮婉

如清揚久不見之兮湘水茫茫參春夢詩澗芳昨夜
春風起遙憶美人湘江柳子厚贈吳武陵美人隔湘
浦一夕其雨其雨怨朝陽國風其雨其雨杲杲出蘭荃
生秋風日阮藉詩其雨怨朝陽

盈懷報瓊玖

左傳聲伯夢洩洩或與已瓊瑰食之泣而為瓊瑰盈其懷歌曰濟洩之水贈我以瓊

瑰歸乎歸乎瓊瑰盈吾懷乎國風木瓜報之以瓊
冠纓
致韓文公送靈師詩逐客三四公盈懷贈蘭荃

冠
纓

自潔非滄浪

滄浪之水清兮可以濯我纓見孟子及楚辭白樂天詩莫唱滄浪曲無塵可濯纓

道人四十心如

孟子我四十不動心漢鄭
崇傳臣門如市臣心如水那得夢為

胡蝶狂

蝶夢見
前注

次韻荅和甫廬泉水三首

并序

和甫作廬泉之水不求于古樂府而規摹暗合

余為和成三疊自余官河外罕得逆耳之言于

朋友和甫愛我也居有藥言吾不欲其思廬泉

也故作其一父母之邦有如仲尼柳下惠而懷

安之以吾之樂雙井知和甫之不忘廬泉也故
作其二坐進此道者于物無擇清漳之濁波河
之流廬泉之水求其異味而不得也親樂之身
安之斯可矣故作其三夫三言者雖不同惟知
言者領其不異也

初虞世字和甫善醫有必用
方行於世廬泉其所居也在

東平府須城
縣廬泉鄉

初候不能六尺長

史記晏嬰傳云其御之妻謂其夫曰
晏子長不滿六尺身相齊國名顯諸

候少日結交皆老蒼

杜說脫畧小時
輩結交皆老蒼塾利不可更炎涼

漢張耳陳餘贊勢利之交古人羞之老
杜詩且復遇炎涼太白詩榮枯異炎涼
鮮纓從我濯滄

浪解纓見與君論心松柏香
取後凋之義樂天祭崔相
羣文玉德彌溫松心不凋

何為獨憶盧泉之上多綠楊盧泉如練照秋陽
謝朓詩
澄江淨

如泉上之人猶謗傷
退之詩不知羣兒
此邦雖陋有佳

士勿厭風沙吹茫茫願君不負上池水
史記扁鵲傳長
桑君呼扁鵲與

語曰我有禁方年老欲傳與公乃出其懷中藥與扁鵲
日飲是以上池之水三十日當知物矣其後扁鵲過虢

虢太子死扁鵲能生之故天下盡以扁鵲為能生死人
扁鵲曰越人非能生死人也此自當生者越人能使之

起囊中探丸起人死
漢尹賞傳長安閭里少年相與探
丸為彈得赤丸者斫吏吏得黑者

研文吏借此以為凡藝杜詩囊中藥未陳又戲答趙伯
尤勸莫學書章懷中探凡起凡死才術頗似漢太倉詩
意亦謂藥

石之言

盧泉之木百尺長下蔭泉色如木蒼蘋荷風雨洒面涼

倒影搖蕩天滄浪

漢郊祀志登遐倒影則日月返從下
照於上孫綽天台賦序或倒影於重

溟樂天詩倒影咫尺如干

網登錦鱗蒲荇香

李白詩魯
酒若琥珀

尋杜詩影動倒景搖瀟湘

何以貫之柳與楊

石鼓文其魚維何
維缺及鯉何以貫

汶魚紫錦鱗杜詩
渚蒲芽白水荇青

之維揚與柳

古來希價入咸陽

見前注

貪功害能相中傷

文選
李陵

荅蘓武書妨功害能之臣盡為萬戶侯
白樂天詩自賢誇智惠相糾鬪功能

君今已出紛爭

外但思煙波春渺茫奉親安樂一杯水

啜菽飲水見前注李白詩萬言

不直一杯水

盧泉之濱可忘死

說苑楚昭王欲之荆臺司馬子綦諫曰荆臺之

此摘其字

遊左洞庭右彭蠡其

樂使人遺老而忘死

舍後鍾梵爐煙長

杜詩梵杖時出寺鍾殘仍殷牀

舍前簾影竹蒼蒼事

親煖席扇枕涼

東觀漢記曰黃香躬執勤苦盡心供養冬無破袴而親極滋味暑即扇牀枕寒

即以身溫席陶淵明黃香贊其序云九歲失母思慕骨立事父竭力以致養暑則扇牀枕寒則以身溫席中

有一士鬢蒼浪同心之言蘭麝香

易繫辭同心之言其臭如蘭

與遊

者誰似姓楊朝發枉渚夕辰陽

屈原九章云朝發枉渚兮夕宿辰陽懷瑾

握瑜祗自傷

左氏握瑜而懷瑾九章又云懷瑾握瑜兮窮不知所示

東有濁河西

清漳

漢高紀田肯曰夫齊西有濁河之限

胡為搔頭盧泉思茫茫

搔頭見前注

清明在躬不在水

禮記清明在躬氣志如神

此曹校獵可心死

神仙傳王

遠謂麻姑曰吾老矣不復作此伎獵變化也列子云心死形廢莊子心若死灰杜詩心死著寒灰

和甫得竹數本于周翰喜而作詩和之

初候一畝宮

禮記儒有一畝之宮環堵之室

風雨到臥席前日築短垣

國語晉人謂吳曰君有短垣而自踰之

昨日始封植平生歲寒心樂見歲

寒色

見論語

翩翩佳公子

史記曰平原君翩翩濁世之佳公子也

為致一窻

碧憶公來相居筮吉龜墨食

洪範相協厥居洛誥云召公既相宅又云惟洛食注

云卜必先畫龜然後灼之兆須食墨人言陋如何我自

適其適

莊子適人之適而不自適其適論語子欲居九夷或曰陋如之何子曰君子居之何陋之有柳

子厚詩我自適其

白眼對俗徒

晉阮籍傳見禮法之士以白眼對之醉帽

坐敬側

北史獨孤信在秦州嘗因獵日暮馳馬入城其帽微側旦而吏人有戴帽者或慕而側帽焉

人愛知酒耳不解心得得

莊子曰所謂聰者非謂其聞彼也自聞而已矣非謂其見

彼也自見而已矣夫不自見而見彼不自得而得彼者是謂得人之得而不自得其得者也阿堵絕

往還

晉王衍傳衍口未嘗言錢晨起見錢謂婢曰舉却阿堵物蓋言將此物去耳後人遂以錢為阿堵顧

愷之傳云傳神寫照正在阿堵中蓋謂目睛也然則目睛亦可稱阿堵手蓋相傳承誤耳此君是賓

客

王徽之傳徽之指竹曰何可一日無此君

清風吹月來

韓詩清風吹空月舒波

懽甚

齒折屐

謝安傳既破苻堅有驛書至過戶限心喜甚不覺屐齒之折

有節似見聖

書

人未見聖若不克見既見聖亦不克由聖左傳成十五年志有之曰聖達節

無言諒知默

雄

解嘲云知玄知默守道之極

數回長者車

見前

猶恨地未僻

杜詩地僻嬾衣

裳又曰幽棲地僻經過少陰雨打葉時

白樂天詩秋雨梧桐打葉時

曲肱自宴息

曲肱見論語易君

心游萬物初

莊子田子方篇老子曰吾游于物之初

何

處尋轍迹

老子云善行無轍迹德頌云行無轍迹居無室廬

從來修行林乃

是逸民國

晉阮咸傳與叔父籍為竹林之遊論語逸民乃夷齊下惠之屬後漢逸民傳蓋隱士耳

寄耿令幾父過新堂邑作迺幾父舊治之地

堂邑隸傳

州

呼船凌大河驅馬踏平沙

退之詩遂凌大江極東陬

道傍開新邑千

戶有生涯四衢平且直

爾雅四達謂之衢

綠槐映縣衙

古詩縣古槐根

出官清馬骨高

問誰作此邑蒼舊對予嗟前日耿令君遷民出

坳

退之聯句采月漉坳泓東坡重九詩惟有黃茅浪堆壠生坳窠窠鳥瓜反一高一下也

始遷

民懷土異端極紛拏

論語小人懷土又攻乎異端漢霍去病傳漢匈奴相紆拏

既遷

人氣和草木茂萌芽桃李雖不言見前春風滿城花陵

陂青青麥

見前

煙雨潤桑麻

杜詩桑麻深雨露

自非耿令君大

澤荒蒹葭

漢高帝紀嘗息大澤之陂秦國風蒹葭蒼蒼毛云蒹葭蘆也詩碩人云蒹葭揭揭毛云

蘆葦莢蘆也陸璣云蘆或謂之荻至秋堅成則謂之佳

白頭晏起飲襁褓語嘔啞

見前

自非耿令君漂轉隨魚蝦豈弟民父母

詩豈弟君子民之父母

毋不專司歛賒

周禮泉府歛市之不售貸之滯於民用者以其賈賈之凡賒者祭祀無過旬日

令君兩男兒有德必世家問令今安在解官駕柴車韓

外傳齊子曰臣賴君之賜駕馬柴車陶詩日暮巾柴車

當時舞文吏

漢張湯傳舞文巧詆

白

壁險生瑕

蘭相如傳曰璧有瑕請指示王

今君袖手去不忍試虎牙前

注人往惜事廢感深知政嘉我聞耆舊語歎息至昏鴉

見前定知循吏傳來者不能加今為將軍容軒蓋湛光

華幕府省文書

漢李廣傳幕府省文書

醉歸接羅斜

晉山簡傳童兒歌曰山公

出何許往至高陽池日夕倒載歸酺

懷寶仁者病

論語

寶而逆其邦可謂仁乎

偷安道之邪

左傳閔元年宴安酺毒不可懷也僖二十三年懷與安實

敗

勉哉思愛日贈言同馬槌

並見前注

放言十首

論語謂虞仲夷逸隱居放言

廢興宜有命

論語道之將行也與命得失但自知踽踽

衆所忌

詩獨行踽踽孟子曰古悠悠誰與歸詩悠悠我思檀弓云

死者如可作也吾誰與歸范文吾義苟不存豈更月攘

雞

孟子曰月攘一雞以待來年然後已風清聞鶴唳想

見南山樓

晉謝玄傳符堅餘衆棄甲宵遁聞風聲鶴唳皆以為王師至此借用

匣中綠綺琴

文選張孟陽詩云佳人遺我綠綺琴注云傳休奕琴賦序云齊桓公有琴曰號鍾楚

莊王有琴曰統梁司馬相如有綠綺琴邕有焦尾皆名器也

欲撫已絕絃問絃何時

絕鍾期謝世年

見前注

正聲不可聞千載寂寞間未有顏

叔子安知柳下賢

小雅哆兮哆兮成是南箕箕星也侈之言是必有因大貌南箕箕星也侈之言是必有因

也斯人自謂避嫌之不審也昔者顏叔子獨處于室鄰之嫠婦又獨處于室夜暴風雨至而室壞婦人趨而至顏叔子納之而使執燭放手旦而蒸盡縮屋而繼之自以為避嫌之不審矣若其審者宜若魯人然魯人有男子獨處于室鄰之嫠婦又獨處于室夜暴風雨至而室壞婦人趨而託之男子閉戶而不納婦人自牖與之言曰子何為不納我乎男子曰吾聞之也男子不六十不閑居今子幼吾亦幼不可以納子婦人曰子何不若柳下惠然嫠不逮門之女國人不稱其亂男子曰柳下惠固可吾固不可吾將以吾不可學柳下惠之可孔子曰欲學柳下惠者未有似于是也

輕肥馬上郎

論語乘肥馬衣輕裘老枯槁林下士

屈原漁父

篇顏色憔悴

聲名

斷自然

自然見此章華胥注

勢利焚和氣

莊子外物

篇利害相摩生火甚多衆人焚和權載之序無耗氣無焚和

智人不駭俗同朝皆用

事物外有華胥時時夢中至

列子黃帝篇黃帝晝寢而夢遊於華胥氏之國蓋非

舟車之所及神遊而已其國無帥長自然而已其民無嗜慾自然而已

蘭楫桂為舟

九歌云木蘭為楫桂為舟

大江可遠游堅車無良馬

西漢

食貨志乘堅策肥後漢鄧太后詔溫衣美食乘堅驅良

出門敗吾輶

論語出門如見大賓柳子

厚愚溪對云吾盪而趨不知太山之異乎九衢以敗一吾車吾放而濫不知呂梁之異乎安流以沒吾舟

身交萬物用我未易周安得柳下惠窮年與之遊

微雲起膚寸大陰彌九州

公羊春秋云觸石而出膚寸而合不崇朝而雨徧乎天下

者惟泰山爾彌字取彌天之意晉習鑿齒傳時桑門釋道安與鑿齒相見道安曰彌天釋道安鑿齒曰四海習鑿齒石林詩話曰舊不餅四海彌天為何等語因讀梁慧皎高僧傳載鑿齒與道安書云夫不終朝而雨六合者彌天之雲也宏淵源而潤八極者四海之流也因摘其語以為戲耳

至仁雖愛物用舍

如春秋

孟子云是故孔子曰知我者其惟春秋乎

晴空不成雨遠

岫行歸休

淵明歸去來辭云雲無心以出岫曹子建詩云朝雲不歸山暮雨成川澤此反其義

何

疑陶淵明一去如驚鷗

淵明去官如海上之狎鷗人欲取而玩之則舞而不下鷗鳥見

子列

黃鵠送黃鵠中道言別離

漢西域傳高孫公主作歌曰願為黃鵠兮歸故鄉文選燕

子卿答李少卿云黃鵠一遠別千里顧能徊又云願為雙黃鵠送汝俱遠飛

送君不憚遠愁

見獨歸時

退之送李員外云飲中相顧色送從獨歸情

羅網翳稻梁

杜詩君看隨陽

鴈亦有稻梁謀

江湖水瀰瀰行行不相見

揚子云鴻飛冥

冥人何慕焉

蟬聲已紓遲秋日行晚晚

宋玉九辯云白日晚其將入兮

長年困道

路驅馬方更遠從事常厭煩

詩龜勉從事後漢書閔仲叔世稱節士注引高士傳

云周黨遺之生蔬仲叔曰我欲省煩耳今更作煩耶

歸心自如卷旨甘良未豐安

得懷息偃

詩我心匪席不可卷也又云或息偃在牀

月滿不踰望日中為之傾

孔子易傳曰中則昃月盈則食天地盈虛與時消息蔡澤

傳語曰日中則移月滿則虧李文饒穀器賦序月滿而虧日中而昃彼天道而常然欲久盛而焉得天地

尚乃爾萬物能久盈

李白詩天地有泰否日月有盈虧況爾悠悠人安得久世間明

德忌煜煜

韓文公知名箴勿病無聞病其煜煜

高才貴冥冥

顏延年祭屈原文云物忌

堅芳人諱明潔冥冥見前注

勿解扁舟去懷哉張季鷹

晉張翰傳字季鷹齊王問

辟為大司馬東曹掾因見秋風起乃思吳中菰菜羹羹鱸魚膾曰人生貴得適志何能羈宦數千里以要名爵

乎遂命駕而歸謝朓詩懷哉謝歡宴懷哉懷哉本出詩

梓脉在東壁

梓玉篇作醉又作醑反射反切韻云壓酒具也

病起繞壁行新醅

浮白蟻

白樂天詩香醅淺酌浮如蟻杜詩蟻浮仍臘味

渴見解朝醒

劉伶傳五斗解醒

小槽垂玉筋

李賀云小槽酒滴真珠紅

音響有餘清疾風春雨作靜

夜山泉鳴

雨作及泉鳴以喻槽脉滴聲也

安得朱絲絃為我寫此聲

禮記

朱絃疏越一唱而三歎有遺音者矣史記樂書衛靈公將之晉至於濮水之上夜半聞鼓琴聲召師涓曰為我

聽而想知舜南風正爾可人情

禮記舜作五絃之琴以歌南風正爾見前注

弄水清江曲采薇南山隅

詩陟彼南山言采其薇史記伯夷傳隱于首陽山采薇而

食之及餓且死作歌曰登彼西山兮采其薇矣索隱曰薇薇也

當吾無事時此豈不我

娛喬木好鳥音

詩伐木丁丁鳥鳴嚶嚶
出自幽谷遷于喬木

天風韻虛徐

詩其

虛其邪
邪音徐

遐心游四海

詩毋金玉爾音而有遐心
陸機文賦精驚八極心游萬仞

萬里

不須臾回首古衣冠荆樊老邱墟

文選月賦曰臣東都
幽介長自邱樊注引

爾雅樊藩也郭璞曰藩籬也

棘之籬丘壑墟落之間古衣冠謂背時也不隨時俯仰

左熙寧間
皆斥逐也

欲付此中意歸翻蟲蠹書

退之詩豈殊蠹書
蟲生死文字間

短生憂

前注

不足此道樂有餘

送伯氏入都

貧賤難安處別離更增悲

老杜詩乃知貧賤別更苦孟郊詩人言貧別易貧別愁更

重
經營動北征

詩經之營之杜詩杜甫將北征

慈母待春衣

言母欲令待縫衣就

月行孟郊詩慈母手中線遊子身
上衣臨行密密縫意恐遲遲歸

短簫驅瘦馬青草牧

中嘶送行不知遠可恐獨歸時

已見前篇送君不憚遠愁見獨歸時注

太

華物華春

案句疑有誤

街柳轉黃鸝

王維詩陰陰夏木轉黃鸝

九衢生紫

煙

退之詩子雲祇自守美事九衢塵三輔舊事云長安城中八街九陌

到家使人迷知音

者誰子

老杜詩伐木者誰子退之詩討謀者誰子又聯句喝道者誰子

倦客無光輝王

侯不可謁

易不事王侯戰國策燕秦之楚三日乃得見乎王談卒辭而行曰楚國之食貴于玉薪貴

於桂謁者難得見如鬼王難得見如天帝今令臣食玉炊薪因鬼見帝

秣馬興言歸

詩之子

歸言秣其馬又云興言
出宿又云言旋言歸
豈無他人遊不如我壘
詩豈

人不如我同父又云
伯氏吹壘仲氏吹篴
陳書北窻下
陶淵明高卧
北窻之下
此自有

餘師孟子子歸而
求之有餘師

渡河

客行歲晚非遠避河水無情日夜流去年排堤注東郡

漢東郡治濮陽今
澶州所治縣也
詔使奪河還此州憶昔東行河梁上

文選李少卿詩攜手
上河梁遊子暮何之
飛雪千里曾冰壯
杜詩交河幾蹴
曾冰裂又云安

得赤脚踏曾冰蓋取東方朔
神異經云北方有曾冰萬里
人言河源凍徹天冰底猶

聞沸驚浪

漢書贊張
騫窮河源

送呂知常赴太和丞

我去太和欲暮矣

山谷在太和三年至元豐七年移監
德州德平鎮是年三月過泗州僧伽

塔有發願文八年四月以拔書郎
台今言去太和欲暮猶在德平也呂君初得太和官邑

中亦有文字樂

韓詩不解文字飲惟
能醉紅裙此反其意

惜不同君澗谷樂

見前

觀山千尺夜泉落快閣六月江風寒

觀山快閣在
太和白樂天

賁玉泉詩綠垂青嶂上珠濁綠
金中溜滴三秋雨寒生六月風

往尋佳境不知處掃壁

覓我題詩者

逌之詩曲江山水聞來久恐不知名訪倍
難願借圖經將入境亦逢佳處便開看漸

入佳境見晉
書顧愷之傳

別蔣顗叔

蔣之奇字顗叔新法行為福建通判遷淮東運副母喪服除為江西運副改河

北入奏許神宗獎諭之移陝西官制行移淮南轉運使擢江淮荆浙等路發運副使元豐六年五月奏計神宗勞問甚優賜三品服此據實錄也此詩云三品衣魚人仰首當是六年以後作山谷移監德平鎮過泗州僧伽塔作發願文時元豐七年三月也別蔣顗叔當是此時

金城千里要人豪

張良傳此所謂金城千里天府之國賈誼過秦論金城千里子孫帝王萬

世之業也

理君亂然須孟勞

左傳猶治絲而琴之漢龔遂曰治亂民猶治亂絲不可急也北

史齊文宣帝紀神武嘗使諸子各理亂絲文宣獨抽刀斬之曰亂者當斬老杜大食刀歌云得君亂絲與君理

孟勞者魯之寶刀也見穀梁傳元年

文星合在天東壁

杜詩北斗避文星晉天文志東壁二

星主文章天子圖書之祕府也

清都紫微醉雲敖

列子曰穆王以為清都紫微鈞天廣樂帝

之所居漢武帝內傳上元夫人自彈雲琳之璈

荆溪居士傲軒冕胸吞雲夢如

秋毫

司馬相如子虛賦吞若雲夢者八九胃中曾不芥蒂

三品衣魚人仰首

見題下注

又李翱撰韓文公行狀賜三品衣魚

不見金牛可下刀

見前注

秦州渭水森

長戟

言為陝西轉運也續本事詩韋蟾題驛亭云渭水秦川豁眼明

方壺蓬萊冠巨鼇

列子無底之谷有五山曰岱輿員嶠方壺瀛洲蓬萊五山之根無所連著帝使巨鼇十五舉首而戴之五山始峙而不動詩意言其負荷重也

萬釘寶帶瑀玃席

隋楊素傳賜萬釘寶帶國朝侍從跨玃鞍

獻納論思近赭袍

文選兩都賦序云朝夕論思日月獻納杜詩獻納思存雨露邊又獻納紆

皇眷唐王建詩曰日色赭袍相似不著紅鸞扇遮杜光庭詩曾上雲天侍赭袍連營貌虎湛如

水尚書如虎如貌開盡西河擁節旄謂移陝西漕也何時出入

諸公間漢晁錯傳云淮湖閱船今二毛左傳不禽二毛鑿渠決

策與天合顏叔在始鑿泗州股渠以避淮長支祈寤

束縮怒濤吳閼集載古嶽瀆經云禹治水至桐柏山獲

之遠近禹鑿于龜山之足淮乃安流至唐有漁者釣得一古鱓牽出其末有獮猴即支祈也衣食京

師看上計漢武紀令與計偕注陛下文武收英髦退之三

公盡是知音人易
不薦賢陛下聖

春風淮月動清鑒白拂羽扇隨輕舠

詩誰謂河廣曾不
客刀注小船曰刀

下榻見賢傾禮數

陳蕃下榻詳見前注王勃滕王閣序

云徐孺下
陳蕃之榻

後車載士回風騷

詩命彼後車謂之載之文選魏文帝與吳質書云從

者鳴笳以啟路文
學託乘於後車

斲鼻子郢

郢人堊漫其鼻端使匠石斲之已見前注又按揚子

雲解難云鍾期死伯牙絕絃破琴而不肯與俗人彈撥
人亡則匠石輟斤而不敢妄斲服虔曰撥古之善塗堅

者也施廣領大袖以仰塗而領袖不汚有小飛泥誤著
其鼻因令匠石揮斤而斲知匠石之善斲也師古曰堅

即今之仰泥也撥投我也故為塗者為撥人撥乃高反
又音乃回反此段與莊子意同而事異又非寓言山谷

喜用斲鼻事
故具列之

觀魚于濠

濠梁見前注

小夫聞人蓋多矣

唐房喬傳

高孝基曰僕觀人多矣未有如此郎幾成季咸三見逃
者漢蓋寬饒傳此如傳舍所聞多矣
莊子應帝王篇鄭有神巫曰季咸知人之死生禍福若
神列子與之見壺子出曰子之先生死矣列子入涕泣
以告壺子壺子曰是殆見吾杜德機也嘗又與來明日
又與之見壺子出曰幸矣子之先生遇我也有廖矣列
子入以告壺子壺子曰是殆見吾善者機也嘗又與來
明日又與之見壺子出曰子之先生不齊吾無得而見
焉列子入以告壺子壺子曰是殆見吾衡氣機也嘗又
與來明日又與之見壺子立未定自失而走又家語季
羔謂別者曰今吾在難正子報
怨之時而逃我者三因併記之

平原宴坐二首

蜀中刻山谷真蹟題作平原郡齋
而詩句小異云平生浪學不知株

江北江南去荷鋤窻風文字翻葉葉猶似勸人勤
讀書成業不處避歲鵲得巢不安呼婦鳴金錢滿

地無人費一斛明珠惹秋平原郡德州也山谷
元豐七年在太和移監德州德平鎮此詩題下注
公澤二字詩意殊不相涉蓋本注于舊集
謝送宣城筆而後人誤寘于此今去之

老作儒生不解事

文選揚德祖賤修家子雲老不解事
強著一書唐婁師德傳云解事僕射

江南有田歸荷鋤北窗風來舉書葉猶似勸人勤讀書

謂風吹葉子冊
如勸人讀書也

黃落委庭觀九州

月令草木黃落杜
詩黃落驚山樹

蟲聲日夜戒衣裘

謂促

金錢滿地無人費

謂黃葉

一斛明珠惹秋

以惹秋
比明珠

蓋馬援傳南方薏苡實大援欲以為種軍
還載一車諧之者以為所載皆明珠文犀

同劉景文遊郭氏西園因留宿

人居城市虛華館秋入園林著晚花落日臨池見蚪斗

必知清夜有鳴蛙

劉景文有西園和韻絕句云雨過西園物物佳柳風竹日映葵花更無人

迹宜清睡奈此池頭一部蛙元符三年七月山谷自戎

州至青神省其姑有和青神士人蒲志同字泰亨詩其

序云伏承泰亨先輩和示東坡之友劉景文同不肯宿

城西郭氏園七言小詩且推不肯當與嶺南數公同時

鵬舉鳳舉非所擬倫輒用元韻上答并序東坡伯仲方

來之意其詩云我已人間無可用鬢飄霜雪眼生花東

坡兄弟來雖晚折箭堪除蝕月蛙東坡海上無消息想

見驚帆出浪花三十年來世三變幾人能不化鵝蛙玉

座天開旋北斗清班鳥散落餘花有人難立百官上不

為廟中羔兔蛙我竹養松人去盡空聞道士種桃花昨

來一夜驚風而滿地殘紅噪暮蛙又謝泰亨送酒云
歸三峩山外雨霜催五柳宅邊花非君送酒添秋睡可
耐東池到曉蛙此詩真本尚存而遺文不載因附見於
此城西郭園不知何處案前集有次韻劉景文登鄴玉
臺見思五首云何時郭池晚照影寫閒情時正在德平
也案徽宗實錄元符三年九月上謂輔臣韓忠彥曰章
惇求去朕不欲以定策貶惇祇緣護哲宗靈駕不職累
有彈章惇於是遂出故和章云有人難立百官上不為
廟中無免蛙霍光傳霍山曰丞相擅減宗廟羔
免蛙可以此罪也言章丞相之罪不獨如此耳

山谷外集詩注卷十四

欽定四庫全書

集部

山谷外集詩注卷十五

七

詳校官庶吉士

臣

明鈺

檢討臣何思鈞覆勘

總校官候補中允王燕緒

校對官編修臣勵守謙

謄錄監生臣趙大赤

欽定四庫全書

山谷外集詩注卷十五

宋 黃庭堅 撰

史容注

奉送劉君昆仲

遊子歸心日夜流

漢高祖紀謂沛父兄曰遊子悲故鄉

南陔香草可晨羞

東廣微補亡詩云循彼南陔言采其蘭又云馨爾夕銘潔爾晨羞

平原曉雨半槐夏汾

上午風初麥秋

杜詩麥秋晨氣潤槐夏午風涼歐陽公詩話云趙學士師民詩思尤精如麥天

晨氣潤槐夏午陰清前
世名流皆所未到也

鴻鴈要須翔集早脊令無憾急

難求

詩鴻鴈云鴻鴈于飛集于中澤常棣云脊令在原兄弟急難論語翔而後集

欲因行李

傳家信姑射山前是晉州

劉君兄弟當自德州歸晉故稱平原汾上時山谷在德州

德平也按案宇記晉州所治臨汾縣有平山一名壺口禹貢所謂既載壺口治梁及岐也今名姑射山在縣西八里莊子藐姑射之山有神人焉即此

和答莘老見贈

往歲在辛丑

嘉祐六年辛丑山谷時年十七有溪上吟清江引二詩從師海瀕州

外家有行役

外家謂母家見漢書

拜公古邗溝

邗溝謂揚州也唐曰邗州左傳吳城

邗溝以通江
淮取此義也

兒曹被鑒賞

晉王戎傳鑒賞先見如此

許以綜九流

見前

注

仍許歸息女采蘋助春秋

後集黃氏二室墓銘云庭堅之初室曰蘭溪縣君孫

氏故龍圖閣直學士孫公覺華老之女初庭堅年十七從舅氏李公擇學於淮南始識孫公孫公憐其少立以

蘭溪歸之息女見漢

斯文開津梁

世說庾公見臥佛曰此子疲於津梁列子

高祖紀來蘋見詩

體道窮宗為世津梁江文通

盛德見虛舟

虛舟見前注杜詩對君疑

是泛離合略十年

文選陸士衡詩離合非有常譬彼弦與括杜詩人生有離合豈擇貴賤端

每見仰清脩

魏志陳登曰清脩疾惡有識有義吾敬趙元達

久次不進還

楊雄贊以

耆老久次轉為大夫此言華老

天祿勤校讎文武脩衮職諫垣始登收

實錄治平四年正月丙子秘書丞館閣校勘孫覺直集

賢院昌王府記室熙寧元年四月癸亥太常博士直集

賢院孫覺為右正言楊雄贊校書天

祿閣上詩家職有闕維仲山甫補之身趨鄴公城鄴當作葉

傳寫誤耳山谷初仕為汝州葉縣尉葉

本楚地楚惠王以封沈諸梁謂之葉公逐臣既南浮實錄

熙寧元年八月癸卯以太子中允直集賢院同知諫院

孫覺通判越州以言事得罪也詩意自言方之葉縣而

華老已為逐臣南往矣到官與華老竄逐

同是元年漢高祖紀云南浮江漢以下

詩泉水云變彼諸姬易

家人無攸遂在中饋

家庭供百羞周禮天官內饗選百羞醬物珍物以

侯饋堂堂來問寢忽為雲霧休遺玩猶在篋汝水遶墳丘

二室墓誌云孫氏年二十而卒殯于葉縣者二十二

年文選潘安仁悼亡云流芳未及歇遺掛猶在壁南

箕與北斗日月行置郵

連於置郵見孟子

相逢輦轂下存沒可

言愁

元豐八年四月山谷以校書郎召時華老為秘監

當年小兒女

杜詩遠憐小兒女未

解憶

生子欲勝裘

勝衣見前注

甌越委琴瑟江湖拱松楸

選

長安

謝靈運遊方山詩云指期慙甌越越州春秋時為越國所都史記東甌王徐廣曰今之永寧也當是華老在越

州悼亡返葬于江南墓木拱矣故有存沒可言愁之句

詩云妻子好合如鼓瑟琴按秦少游集中與參寥簡云

華老壽安君竟不起子實遂丁憂遠方罹此禍故

殊可傷也華老悼亡于此可見越州今為紹興府持節

轉七郡

華老自越倅徙知通州召還修起居注又以言事黜知廣德軍踰年徙湖州又徙廬州持祖母

喪服除知蘄州徙福州徐州又南京召為太常少卿易秘書少監哲宗即位無侍講遷右諫議大夫故言七郡

治功無金牛

見前

還朝蒙嗟職明月豈暗投

見前

抱被

直延閣

劉歆七略云武帝廣獻書之路書積如丘山外有太常博士之藏內則延閣廣內秘室之府退

之送殷侑序云持疏簾近奎鉤

書斷曰蒼頡仰觀奎星

被入直三省丁寧經援神契云奎主文章蒼頡文字總而為言晉天

三生

石上夢

葛洪川畔牧童叩牛角而歌曰三生石上舊精魂賞月吟風不要論慙愧情人遠相訪此身雖

異性常存此乃僧圓澤事見于甘澤謠東坡刪改作圓澤傳見遺文

記是復疑不隱几付

天籟

莊子齊物篇南郭子綦隱几而坐仰天而噓云云又曰汝聞地籟而未聞天籟

閱人如海

鷗

列子云海之上者以百數而不止其父曰吾聞鷗鳥從

汝游取來吾玩之明日襟懷俯萬物顏鬢與百憂長歌
之海上鷗鳥舞而不下

可當泣短生等蜉蝣

古樂府王融悲歌云悲歌可以當泣遠望可以當歸短生見前注詩

蜉蝣之羽毛云渠略也朝生夕死郭璞詩借問蜉蝣輩寧知龜鶴年白樂天詩長生無得者舉世如蜉蝣悲

歡令人老

文選任彦昇詩悲歡不自持

萬世略同流

書萬世同流

軒冕來

逼身

軒冕見前注

白蘋晚滄洲

柳惲江南曲云汀洲采白蘋日落江南春

履拂知

道肥

杜詩中拂香餘搗藥塵階除灰死燒丹火詩意言道學蕭散也子夏戰勝故肥見前注淵明詩貧富

常交戰道勝無感類

淨室見天游

莊子外物篇室無空虛則婦姑勃礪心無天游則六鑒相攘

小人樂蛙井

莊子井蛙不可以語于道

癡甚顧虎頭

晉書顧愷之癡絕才絕畫絕或

曰小字虎頭或曰虎頭將軍

世緣真嚼蠟

楞嚴經于橫陳時味如嚼蠟

骨相謝封

侯

後漢班超傳相者曰此萬里侯相也

松根養茯苓

杜詩知子松根養茯苓遲暮有意來同煮

歲晏望華輶

考工記輶人為輶注車轅也謝朓詩疊鼓送華輶

以潞公所惠棟茅送公擇次舊韻

前集有謝公擇分賜茶三絕句

今次前韻

慶雲十六升龍樣

前漢志若煙非煙若雲非雲郁郁紛紛蕭索輪囷是謂慶雲

國老

元年密賜來

左傳國老皆賀子文北苑貢茶錄云慶歷中蔡君謨造小鳳團自小團出而龍鳳遂

為次元豐有旨造密雲龍其品又加于小團之上

技拂龍紋射牛斗外家英鑒

似張雷

謂張華雷煥也

吏部蘇尚書右選胡侍郎皆和鄙句次韻道謝

不待烹茶喚睡回天官兩宰和詩來清如接寬

以竹通水

春溜快似揮刀斫怒雷

天官吏部也周禮治官之屬有太宰小宰以喻尚書侍郎

奉同公擇作揀芽詠

貢茶錄云茶芽最上曰小芽如雀舌鷹爪次曰中芽乃一

芽帶一葉者號一槍一旗一槍一旗號揀芽最為挺特

赤囊歲上雙龍辟

元注云囊貢小團亦單疊惟揀芽雙疊

曾見前朝盛事

來想得天香隨御所延春閣道轉輕雷

元注云元豐末作延春閣○張

平子西京賦複陸重閣轉石成雷複
陸複閣道也于上轉石以象雷聲

今歲官茶極妙而難為賞音者戲作兩詩用前韻

雞蘇狗蚤難同味

煎茶賦云或濟以鹽勺賊破家滑竅
走水又沉雞蘇之與胡麻雞蘇俗呼

紫蘇胡麻一名
狗蚤皆見本草

懷取君恩歸去來青箬湖邊尋顧陸

若

在湖州顧陸謂顧野王陸羽按寰宇記湖州長興縣箬
溪在縣南一名顧渚顧野王輿地志云夾溪悉生箭箬
南岸曰上箬北岸曰下箬村人取下箬水釀酒醇美俗
稱箬下酒陸鴻漸名羽有顧渚山記二篇盛言顧渚茶
之美為江左第一陸龜蒙嗜茶置園顧渚山下歲取茶
租自判品第張彥遠名畫記有論顧陸張吳用筆一篇
謂顧愷之陸探
微非此詩所引
白蓮社裏覓宗雷

白蓮社在江州廬山
晉慧遠法師故事也

同社十八人宗炳字少
火雷次宗字仲倫與焉

乳花翻枕正眉開時苦渴羗衝熱來

拾遺記晉有羗人姚馥但言渴於酒

羗輩呼為渴羗初學記程曉伏日詩云今世襌襌子觸熱到人家搖扇髀中疼流汗正滂沱襌襌謂不曉事渴羗亦此

知味者誰心已許維摩雖默語如雷

維摩詰經時維摩詰

默然無言莊子淵默而雷聲

公擇用前韻嘲戲雙井

萬仞峰前雙井塢

山谷所居雙井隸吉州分寧縣

婆婆曾占早春來如

今摸索蒼龍壁

許敬宗曰若遇曹劉沈謝暗中摸索著亦可識借用其字

沈井銅餅

漫學雷

老杜銅餅詩亂後碧井廢時清瑤
殿深銅餅未失水百丈有哀音

又戲為雙井解嘲

山茅落磴風回雪曾為尚書破睡來勿以姬姜棄蕉萃

逢時瓦釜亦鳴雷

雖有姬姜無棄蕉萃見左傳文選
屈平卜居云黃鐘毀棄瓦釜雷鳴

奉同六舅尚書詠茶碾煎烹三首

要及新香碾一盃不應傳寶到雲來

見前注

碎身粉骨方

餘味莫厭聲喧萬壑雷

李白蜀道難碾崖轉石萬壑雷
碎身粉骨如老杜詠丁香云晚

墮蘭麝中休

懷粉身念也

風爐小鼎不須催魚眼長隨蟹眼來深注寒泉收第一

亦防枵腹爆乾雷

嵇康養生論終朝未餐則囂然思食言空腹也蟹眼見前注

乳粥瓊糜露脚回色香味觸映根來

六根眼耳鼻舌身意即色聲香味觸

法見楞嚴經茶錄有色香味瓊糜見前注

睡魔有耳不及掩

石曼卿詩更被陰晴長睡魔唐

李靖傳兵機事以速為神震霆不及掩耳

直拂繩牀過疾雷

與李公擇道中見兩客布衣班荆而坐對戲奕秋

因作一絕

兩客班荆覆局圖

左傳襄三十六年楚伍舉奔鄭將遂奔晉聲子將如晉過之於鄭卻班荆

相與食而言復故陶淵明詩班荆生松下數斟已復看
醉魏志王粲傳觀人圍碁局壞粲為覆之不誤一道

人車馬溷泥塗文昌八座鄰樞極

唐劉洎疏云八座此於文昌六曹尚書及

令僕為八座見職官志志後漢梁純傳論宰相運動樞極天上歸來愧不如

六舅以詩來見銅犀用長句持送舅氏學古之餘

復味禪悅

維摩經曰雖復飲食而以禪悅為味

故篇末及之

海牛壓紙寫銀鉤

海牛壓簾銀鉤並見前注

阿雅

元注云師妹僧號

守之索

自收長防玩物敗兒性

書玩物喪志

得歸老成散百憂先生

古心冶金鐵

魏武帝令長史王必曰忠能勤事心如鐵石退之孟先生詩云孟生江海士古貌又

古心皮日休云余嘗

慕宋廣平鐵腸石心堂堂一角誰能折

屏蓋一角獸也漢朱雲傳云五

廣歎我朱

雲折其角兒言敵鯁

見孟

持贈誰外家子雲乃翁師

子雲

蓋比之

不著鼻繩袖兩手古犀牛兒好看取

傳登錄撫州石鞏慧

楊雄也

藏禪師一日在厨下作務馬祖問曰作什麼曰牧牛祖

曰作麼生牧曰一回入草去便把鼻孔拽來福州大安

禪師曰安在滿山三十年只看一頭水牯牛若落路入

草便牽出若犯人苗稼即鞭撻調伏既久可憐生如今

變作露地白牛常在面前

露迴迴地趕亦不去也

奉和公擇舅氏送呂道人研長韻

奉身玉壺冰立朝朱絲絃

文選白頭吟云直如朱絲繩清如玉壺冰

妙質寄

郢匠

郢人鑿漫其鼻端使匠石斷之見莊子已見前注

素心乃林泉力耕不罪

歲

孟子王無罪歲

嘉穀有逢年

史記佞幸傳力田不如逢年善仕不如遇合

校書天

祿閣

見揚雄傳

藝竹老風煙攜提寒泉泓

退之毛穎傳謂硯為陶泓

松煤

厭磨研

後漢蘇竟傳以磨研編削之才

藉甚在臺省六經勤傳箋

毛氏注詩

曰詁訓傳鄭氏曰箋公擇有詩傳十卷

諫草蠹穿穴江湖渺歸船

公擇熙寧初為

右正言論新法謫通判滑州元豐六年召為太常少卿遠禮部侍郎哲宗立進吏侍

春官酌典禮

左太冲魏都賦斟酌典憲

日月麗秋天

易日月麗乎天據實錄元豐八年四月黃庭堅為秘

書省校書郎是年十二月禮部侍郎李常為吏部侍郎此時未遷吏侍也

少也長母家學海

顏尋沿

楊子學行篇百川學海而至于海立陵學山而不至于山是故惡夫畫也

諸公許似

舅

似舅見前注

賤子豈能賢

杜詩賤子請具陳左傳云豈曰能賢

轅駒蒙推挽

漢竇嬰田蚡傳云今日延論局趣若轅下駒山谷除校書郎時孫莘老李公擇故在朝因最先諸公收召信推挽之力也及元祐五年二月丁酉公擇卒戊戌莘老卒六年三月山谷除右史中書舍人韓川有言至六月遂居母憂自此不復振矣山谷遺文有祭莘老文

官次奉

丹鉛

退之秋懷詩丹鉛事點勘言作校書也左傳襄二十三年閔子馬謂公鉏曰若能孝敬富倍李氏可

也公鉏然之敬共朝文恪居官次

新詩先舊物包送比青氈

晉王獻之傳青氈我

家舊物言以詩先研也左傳僖末年莊高以衆章先牛十二犒師注云古者將獻遺於人必有以先之襄十九

年享晉六卿于蒲園贈荀隱束錦加璧先吳奇夢之典
注古之藏物必有以先之柳子厚送蒲上人序云古之

贈禮必以輕先重故鄭商之繆傳黃梅鉢未印少林禪
稿先來章魯侯之贈後吳鼎

少林謂達磨也自南天竺國來寓止于嵩山少林寺面
壁而坐終日默然後傳法與慧可且付袈裟慧可傳僧

璨僧璨傳弘忍弘忍大師蘄州黃梅人也黃梅傳盧行
者慧能有道明者聞五祖家付衣鉢與盧行者即率同

意數十人追逐至大庾嶺盧行者擲衣鉢于盤石曰此
衣表信可力爭耶仕君將去道明衆之如山不動乃曰

我來求法非為衣也願行者開示祖曰不思善不思惡
正恁麼時阿那箇是明上座本來面目明當下大悟偏

體汗流維摩經言若能汲井滌敗墨謝靈運詩激蒼珪
如是生者佛所印可

謝磨鐫蓋以所送研比衣王蟾瀉明滴西京雜記晉靈
鉢以墨比蒼珪也公舊衣竅中有

玉蟾蜍一
枚大如拳

要須筆如椽

見前注

眷求畫者德

元祐初多

舅

氏且進還山龍用補袞

書予欲觀古人之象日月星辰龍華蟲作會補袞見毛詩

舟楫功濟川

說命云若濟川用汝作舟楫

當身任百世

當字去聲見後注

舊

學不虛捐私持殺青簡

見前注

緝綴報餐錢

漢高后紀列侯幸得賜餐

錢奉邑

屢書願無愧儻繼麟趾篇

詩麟之趾闕雎之應也退之答元稹書云嗣餐

有繼將大書持書屢書不一書而已也自當身任百世至篇末皆言身為史官書傳百世殺青屢書皆史官事

而闕雎之應言宣仁后也後漢郭太傳林宗卒同志者其刻石立碑蔡邕為其文曰吾為碑文多矣皆有慙德

惟郭有道

無愧耳

再和公擇舅氏雜言

外家有金玉我躬之道術

詩金玉其相莊子天下篇道術將為天下裂又云古之道

術有在於是者

有衣食我家之德心

書作德心逸日休

使我蟬蛻俗學

之市

後漢賈融傳論蟬蛻王侯之尊莊子繕性篇俗學而求復其初

烏哺仁人之林

爾雅

統黑而反哺者烏也文選補亡詩敷敷林鳥受哺于子山谷有母在也

養生事親汔師古

炊玉爨桂能至今

見前注

歲暮三十裘食口三百指寒不

緝江南之落毛

緝落毛見前注

饑不拾狙公之橡子

莊子齊物篇狙公賦

芋音義云芋音序橡子也杜詩歲拾橡栗從狙公

平生荆雞化黃鵠

荆雞伏鵠即見前注

今日江鷗作樊雉

江鷗見前注莊子養生主篇澤雉十步一啄百步一飲不斲畜乎樊中

人言無忌似牢之

見前注

挽入書林觀文字

長楊賦并包書林退之詩

文字觀天巧又云不如觀文字

更蒙著鞭翰墨場

選詩梁梁翰墨場

贈研水蒼

珪玉方

玉藻云大夫佩水蒼玉

蓬門繫馬晚色淨

杜詩水花晚色淨

茅簷

垂虹秋氣涼湔拂

見前注

垢面生寒光漢隸書呂規其陽

東坡云呂道人沈泥硯其首有呂字非刻非畫聖緻可以試金

呂翁之治與天通不但

澄瑩燒鉛黃初疑蠻漢水中骨

山谷有帖云嘉州峨眉縣中正寨之蠻溪出研

石青綠密緻而宜筆墨

不見鵲鵲目突兀

鵲鵲石有鵲鵲眼

但見受墨無聲

松花發頗似龍尾琢紫煙

歐陽公硯譜歛石出于龍尾溪端溪以北巖為上龍尾以

深溪為上東坡龍尾硯歌君看龍尾豈石材玉德金聲寓于石

不見羅縠紋

唐積歛硯

圖譜有羅紋石出羅紋山

但見含墨不泄如寒淵往在海瀕時

前篇云從

師海瀕州

晨夕親几杖恪居有官次

恪居官次見前注

遣吏問無恙

戰國策齊王使使者問趙威后書未發問使者歲無恙耶民無恙耶王無恙耶

撫摩寶泓置道

山

寶泓謂陶泓也見前篇注後漢竇章傳是時學者稱東觀為老氏藏室道家蓬萊山遂薦章入東觀為校

書

即鬱鬱秀氣似舅眉宇間

唐元德秀傳見然芝眉宇使人名利之心都盡

其重

可以回進躁之首其溫可以解橫逆之顏

橫逆見孟子

烏虜

端是萬乘器

萬乘器見感
春詩輪囷注

紅絲潭石之際知才難

硯銀
云紅

綠石出青州黑山其理紅黃相參二色皆不深理黃者
其絲紅理紅者其絲黃歐陽公硯譜紅絲石硯君謨贈
余云此青州石也得之唐序
猷云須歎以水使足乃可用

次韻答王四

病懶百事廢不惟書問疎新詩苦招喚是日鎖直廬

文選

陸士衡詩朝遊遊
曾城夕息旋直廬

潢汙深一尺

左傳潢汙
行潦之水

大道覆行車

賈誼書前車覆後車戒

晴夜遙相似秋堂對望舒

離騷
前望

枚乘七發車覆能起之

舒使先驅兮注月御也謝眺
詩借問下車日匪直望舒圓

欽定四庫全書

山谷外集詩注

戲答仇夢得承制

仇侯能騎矍鑠馬

後漢馬援傳武威將軍劉尚繫武陵五溪蠻夷深入軍沒援因請行時年

六十二帝怒其老未許援自請曰臣尚能被甲上馬帝令試之援據鞍顧眄以示可用帝笑曰矍鑠哉是翁也

席上亦賦競病詩

南史曹景宗傳梁武帝宴連句今沈約賦韻惟景宗不得韻意色不平詔

約與韻時韻已盡唯有競病二字景宗操筆便成曰去時兒女悲歸來施鼓棹借問行路人何如霍去病 玄

冬未雷蒼蛇臥玉山無年天馬饑

山海經崑崙亦名玉山上有玉未其條百

尋退之詩稱騏驎云饑食玉山禾明遠詩誠不及青鳥遠食玉山禾

三年荷戈對搖落

十借乞弟亦可縛

乞弟事見秦女將所作任師中墓表甚詳其大畧云元豐中朝廷治西南

乞弟之罪至于斬將帥絀監司兩蜀雖然四年而後定
實部使者為之裔夷可足責也劉備謂諸葛亮曰君才
十倍何如萬騎出河西捕取弄兵黃口兒

西夏自陷永樂城後為邊

患及乘常卒子乾順立元祐二年遣使冊乾順夏人以
地界為詞不入謝且犯涇原鎮戎軍又侵德靖砦又犯
塞門砦黃口兒謂乾順也家語孔子見羅雀
者所得皆黃口小雀弄兵潢池見龔遂傳

戲答仇夢得承制二首

結髮從征聽鼓鼙

李廣傳謂其麾下曰廣結髮與匈奴大小七十餘戰禮記君子聽鼓鼙之

聲則思將帥

未曾一展胸中奇

退之代張籍書開

口一吐胸中之奇彎弓如月

落霜鴈誰道將軍能賦詩

李白幽州胡馬客歌彎弓若轉月白鴈落雲端

橫槩不為萬騎先

南史坦榮祖傳榮祖曰曹操丕上馬橫槩下馬談論此可不負飲食矣

元微之作老杜墓誌云曹

傳杯把筆過年年

杜詩傳杯不放杯杜

氏父子往往橫槩賦詩

牧之詩自說江湖不歸去阻風中酒過年年

懷中黃石開三略

兵書有黃石公三略三卷

道上青旗漫百篇

青旗謂置筒加旗也元白號詩筒

和任夫人悟道

夫亡子幼如月魄

書旁死魄疏云魄形也月之輪郭無光之處朔後明生而魄死望後明死

而魄生退之詩維時月魄死冬日朝在房

摧盡蛾眉作詩客二十餘年刮地

寒見兒成人乃禪寂

杜詩予亦師槩可身猶縛禪寂萬事新新不留故

瘦藤六尺持門戶

玉臺新詠使婦持門戶亦勝一丈夫

煩惱林中即是禪

更向何門覓重悟

暮到張氏園和壁間舊韻

邵平不見見園瓜三徑還尋二仲家莫道暫來無所得

未秋先已碧蓮華

邵平二仲見前注高僧傳求那跋摩于別室入禪累日不出寺僧違沙彌

侯之亘室彌

漫生青蓮花

從人求花

舍南舍北勃姑啼

柳子厚聞黃鸝詩此時晴煙最深處舍南舍北遙相語杜詩舍南舍北皆

春水勃姑
見前注

體中不佳陰雨垂

晉王湛傳兄子濟嘗詣湛
見牀頭有周易問何用此

為湛曰體中不
佳脫復看耳

欲向黃梅問消息背陰合有兩三枝燈傳

錄慧能大師傳智遠禪師謂曰西域菩提達磨傳心印
於黃梅汝當往彼參決師辭訣直造黃梅之東禪詩舍
此意李白詩聞道春還未相識走傍寒梅問消息祖庭
事苑曰經律異相云有噉人鬼捉得一人曰方欲出人
謂鬼曰君何以面白背黑曰我鬼性畏日也其人向日
而走既得脫因說偈言勤學第一道勤問第一方道逢
羅刹難背陰向太陽白樂天忠州桃花
詩長憶小樓風月夜紅欄杆上兩三枝

贈陳師道

元祐元年二年陳無已在京師寓居陳
州門按實錄二年四月乙巳徐州布衣

陳師道充徐州學教授贈此詩時未得官也按
黃當年譜王景文質聞之榮茂世云得之前輩言

山谷與後山相遇於頤昌因及杜詩客子入門月皎皎誰家搗練風淒淒故北詩有云霜月入戶寒

皎皎萬人叢
中一人曉

陳侯學詩如學道

王立之詩話稱潘邠老云陳三學詩如學仙時至骨自換自謂此語得意

然山谷有學詩如學道之句陳三所得豈其苗裔耶今按張良傳乃學道欲輕舉學道即學仙也陳無已此語乃印山谷之言此篇論詩固非王立之所及苟非陳無已山谷亦未嘗向人說此也故云十度欲言九度休萬

人叢中
一人曉

又似秋蟲噫寒草

如蟋蟀侯秋吟也噫見前注歐陽公詩下視區區郊與島

螢飛露濕
吟秋草

日晏腸鳴不俛眉

盧仝月蝕詩飢腸徹死無由鳴楊雄解嘲云羣卿不

揖客將相
不俛眉

得意古人便忘老君不見向來河伯負兩河

觀海乃知身一蠶

東河伯觀海見奉答子高見贈詩注按東方朔傳語日以管窺天以蠶測海

注云蠶孤孤也來吳切今作河字韻乃蚌屬也疑別有所出然山谷集中又有詩云在公母懷歸安得備明駝

畏塗失無歸酌海持育蠶則是用東方朔語也蓋文選以蠶測海音力未切杜詩且持蠶測海況把酒如澠

旅牀爭席方歸去

爭席見前注

秋水黏天不自多

退之祭文洞庭汗漫

粘天無壁莊子秋水篇云北海若曰天下之水莫大於海而吾未嘗以此自多王荆公詩白浪黏天無限斷

春風吹園動花鳥霜月入戶寒皎皎十度欲言九度休

雲居膺示衆云如有底人終不取次十度擬發言九度却休去見祖庭事苑

萬人叢中一人

曉貧無置銀人所憐窮到無銀不屬天

莊子云堯舜有天下子孫無置

錐之地張良傳無立錐之地傳燈錄為山傳香巖頌曰
去年貧未是貧今年貧始是貧去年貧尚有卓錐之地
今年錐也無
呻吟成聲可管絃能與不能安足言
莊子呻吟
藁氏之地

檀弓云彈琴而不成聲孔子世家詩三百五篇皆絃歌
之以求合韶武雅頌之音詩意謂吟咏之際而自成聲
音可被之管絃不復有能否之念如東坡南行集叙夫
昔之為文者非能為之為工乃不能不為之為工也

送六十五弟賁南歸

風驚鴻鴈行吹落秋江上為掃碧巖邊問叔今無恙
史記

范曄傳須賈曰

范叔固無恙乎

贈吳道士

吳山十二碁一擊玄闌應探人懷中事如月入清鏡

劉存

事始云世本曰烏曹作六博說文曰十二碁也御覽方術部異苑曰十二碁卜出自張文成受法於黃石公行師用兵萬不失一至東方朔密以占衆事後密不傳晉寧康中襄城寺法咏道人遇一老公著黃皮衣竹筒盛此以投法咏無何失所在遂復傳於世山谷稱十二碁蓋異苑所言者非六博也張文成蓋張良諡文成侯文選王簡栖碑云玄闌幽鍵陸龜蒙詩幽憂拂長劍憔悴慙清鏡

同謝公定攜書浴室院汶師置飯作此

竹林風與日俱斜細草猶開一兩花天上歸來對書客

一作卷杜詩天上張公子

韓詩應知侍史歸天上

愧勤僧飯更煎茶

謝人惠茶

一規蒼玉琢蜿蜒

此言龍團退之南海神碑云蜿蜒蜿蜒來慕飲食

藉有佳人

錦段鮮

張平子四愁詩云美人贈我錦繡段

莫笑持歸淮海去為君重試

大明泉

唐張又新水記云水之與茶宜者凡七品淮南路揚州大明寺水第五

懋宗奉議有佳句詠冷庭叟野居庭堅于庭叟有

十八年之舊故次韻贈之

庭叟有佳侍兒因早朝而逸去其後乃挿椒藩

甚嚴

密

城西冷叟半忙閒

湘山野錄云楊大年為閒忙世上何人最號閒世上何人最號忙人

道王陽得早還

漢王吉字子陽為諫大夫謝病歸琅邪

四望樓臺皆我有

一原花竹住中間初無狗盜窺籬落

史記孟嘗君客最下坐有能為狗盜

者入秦宮藏中取狐白裘

底事蛾眉失鎖關每為朝天三十里時時

驚枕夢催班

杜詩汝陽三斗始朝天坡詩曉風宮殿夢催班

古意贈鄭彥能八首歌

前集有送鄭彥能宣德知福昌縣山谷有此詩真蹟

跋云吾友鄭彥能今可為縣令師也以予寒鄉士不能重之於朝故作此詩贈行以識吾愧元祐元年丙寅黃庭堅題彥能名僅今附此詩於元祐時

金欲百鍊剛

柳子厚詩幹有千尋鍊精剛百鍊剛

不欲繞指柔

劉越石詩何意百鍊

剛化為
繞指柔

石羊臥荒草一世如蜉蝣

石羊塚間物也王建詩潤底盤陀石漸稀

畫向墳前作羊虎蜉蝣朝生夕

絲成蠶自縛

白樂天詩蠶繭自纏

死詩云蜉蝣之羽注渠略也

蔭

智成龜自囚

莊子曰楚有神龜死已三千年王中笱而藏之此龜者寧其死為留骨而貴乎

寧其生而曳

竹箭天與美

爾雅東南之美者有會稽之竹箭焉

豈願作噓

矢

莊子在宥篇不為禁跖噓矢

匏枯中笙竽不用繫牆隅

匏瓜繫而不食見論

語

土偶與木偶未用相賢愚

孟嘗君傳孟嘗君將入秦蘇代謂曰今旦代從外來

見木偶人與木偶人相與語木偶人曰天雨子將敗矣

土偶人曰我生于土敗則歸土今天雨流子而行未知

所止息也今秦虎狼之國而君欲往有如不得還君

得無為土偶人所笑乎乃止未用相賢愚退之語也

革

轍要合道覆車還不好木訥赤子心百巧令人老

論語剛毅

木訥近仁孟子曰大人者不失其赤子之心者也注謂人能不失其赤子時心則為貞正大人

子瞻題狄引進雪林石屏要同作

東坡集有狄詠石屏考其歲月

蓋元祐元年作時山谷在館中

翠屏臨研滴

西京雜記廣川王發晉靈公冢惟玉蟾蜍腹空容五合水取以盛書滴

明窻

翫寸陰

帝王世紀禹不重徑尺之壁而愛日之寸陰吳都賦責千里于寸陰

意境可千里

意境如劉夢得詩腰斧上高山意行無舊路也

搖落江上林百醉歌舞罷四郊

風雪深將軍貂狐暖

見前注

士卒多苦心

選詩志士多苦心

送張才翁赴秦僉

金沙醪醖春縱橫

荆公詩云醪醖一架最先來夾水金沙次第裁又有詩云故作醪醖架金

沙祇漫裁似矜顏色好飛度雪前開

提壺栗留催酒行

歐陽公啼鳥詩云獨有花上提壺盧

勸我酤酒花前傾詩葛覃陸璣疏云黃鳥黃鸝留也或謂之黃栗留

公家諸父酌我醉橫

笛送晚延月明此時諸兒皆秀發

杜詩平公吟詩伯秀發吾所羨酒間

乞書藤紙滑北門相見後十年

謂北京教授時

醉語十不省七

八吏事衮衮談趙張

廣漢敞張華說漢書衮衮可聽

乃是樽前綠髮郎

綠髮見前注

風悲松丘忽三歲

言其居憂也

更覺綠竹能風霜

前漢

嚴助傳不能其水土師古曰能堪也

去作將軍幕下士

退之云水北山人得聲名去年去作

幕下猶聞防秋屯虎兕

唐陸贄傳西北邊歲調河南江淮兵謂之防秋杜詩聞道君牙

帳防秋近赤霄虎兕出於柙見論語

只今陛下思保民所要邊頭不生事

此語可見元祐初作

短長不登四萬日

如太白云百年三萬六千日人壽短長多不及此數

也南史袁峻傳抄書自課日五十紙紙數不登則不止此摘其字

愚智相去三十里

世說

云魏武過曹娥碑下楊脩見碑背上題作黃絹幼婦外孫蓋曰八字魏武謂脩曰解否答曰解魏武曰卿未可

言待我思之行三十里曰吾已得之令脩別記所知脩曰黃絹色絲也於字為絕幼婦少女也於字為妙外孫

女子也於字為好蓋曰受辛也於字為辭所謂絕妙好辭也魏武亦記之與脩同乃歎曰我才不及卿乃較三

十
里百分舉酒更若為

古樂府隔谷歌食糧乏盡若為活太白詩桃李今若為當憲發光采

千戶封侯儻來爾

莊子蘊性篇軒冕在身非性命也物之儻來寄也寄之其來不可圍其去

不可止

題陽關圖二首

斷腸聲裏無形影畫出無聲亦斷腸

白樂天詩一聲腸一斷能有幾多腸

想得陽關更西路北風低草見牛羊

高歡玉辭之賦使斛律金作敕勒歌

其詞曰山蒼蒼天茫茫風吹草低見牛羊歡自和之哀感流涕

人事好乖當語離

淵明答龐參軍詩序云人事好乖便當語離

龍眠貌出斷

腸詩李伯時畫也杜詩貌得山僧及童子坡渭城柳色

關何事自是離人作許悲渭城柳色見前注漢書陽關去長安二千五百里唐人送

客西出都門三十里曰渭城今有渭城館劉夢得詩舊人惟有何遜在更與殷勤唱渭城

題歸去來圖二首

日日言歸真得歸迎門兒女笑牽衣太白詩兒女歌笑牽人衣宅邊

猶有舊時柳陶潛宅邊有五柳樹漫向世人言昨非詞云覺今是而昨非

人間處處猶崔子論語崔子弑齊君陳文子有馬十乘棄而違之至於他邦則曰猶吾大夫

崔子以崔子以此劉祿纂晉也豈忍更令三徑荒歸去來辭三徑就荒誰與老翁

同避世桃花源裏捕魚郎

桃花源見前注荆公詩漁郎漾舟迷遠近

題畫鵝鴈二首

駕鵝引頸回

子虛賦弋白鵝連駕鵝

似我胸中字右軍數能來

杜

鄰家送魚鼈

不為口腹事

王立之詩話云古人有詩駕鵝引頸回似我曾中字右軍

數能來不為口腹事或曰山谷詩非也王羲之傳性愛鵝會稽有孤居姥養一鵝善鳴攜親舊就觀姥聞羲之將至烹以待之羲之歎息彌日後漢書閔仲叔曰豈以口腹累安邑哉

水國鴻鴈秋煙沙風日麗莫遣角弓鳴驚飛不成字

題老鶴萬里心

老杜遺興云鰲龍三冬卧老鶴萬里心

仙人駕飛騎朝會白雲衢

文選別賦駕鶴上漢莊子乘彼白雲至于帝鄉

老驥

不伏乘

曹孟德樂府云老驥伏櫪志在千里易繫詞服牛乘馬引重致遠

清唳徹九虛

太白詩清野田篁竹底

淮南王書云越處溪谷之間篁竹之中

縈繆伴雞

鳬

文選射雉賦數藻翰之陪總縈繆鳳舞張羽貌

時因長風起猶欲試南圖

莊子

而後乃今將圖南

題韋偃馬

韋侯常喜作羣馬杜陵詩中如見畫

老杜戲為壁畫馬歌自注云韋偃畫

忽開短卷六馬圖想見詩老醉騎驢

杜詩騎驢三十載

龍眠作

馬晚更妙

謂李伯時

至今似覺韋偃少

老杜雙松圖歌天下幾人畫古松畢宏已

老韋偃少言晚歲筆畫老蒼視韋偃如少年也

一洗萬古凡馬空句法如此今

誰工

老杜丹青引須臾九重真龍出一洗萬古凡馬空

答王道濟寺丞觀許道寧山水圖

外集十二卷又載一篇云往逢

醉許在長安蠻溪大硯磨松煙忽呼絹素翻硯水
久不下筆或經年一日踏門滅門鉏巾帽散斜猶
索酒舉盃意氣欲翻盆倒卧虛樽將八九醉拈枯
筆管墨色勢若山崩不停手數尺江山萬里還滿
堂風物冷蕭蕭山僧歸寺童子後漁伯欲渡行人
招先君笑指溪上宅鷗鷺白鷺如相識許生再拜
謝不能迺是天機非筆力自陳精力初未衰八幅
生絹作四時蚤師李成最得意什襲自藏人已知

賁人取去桑牆角流落幾姓知今誰大梁畫肆閱
水墨四圖完然當物色自言早過許史門常賣一
聲偶然得雨雪淅淅滿寺庭四圖冷落讓丹青往
來睥睨誰比數十萬酬之觀者驚客還次第閱春
夏坐更歲序寒呼噪王丞來觀歎噴噴亦如我昔
初見日新詩雖黃多得實信知君家有摩詰我持
此圖二十年眼見綠髮暗華顛許生縮手入黃泉
衆史弄筆摩青天君家枯松出老瞿頗似破屏有
骨骼一時所棄願愛惜不誣方將有人識此篇
多一韻其間大同小異恐此是改定本因附見

往逢醉許在長安

郭若虛圖畫見聞錄云許道寧河間人學李成山水筆墨簡快峰巒峭拔

自成一家醉許如懷素世稱醉素

蠻溪大硯磨松煙

蠻溪硯見前注

忽呼絹素

翻硯水

杜詩詔謂將軍拂絹素

久不下筆或經年異時踏門闥白

首退之詩闕然入其戶又聯句云儒門雖大啓巾冠姦首不敢闖闖丑甚反韻書注云馬出門貌敲

斜更索酒

杜詩不通姓字麤豪甚指點銀瓶索酒嘗

舉杯意氣欲翻盆倒卧

虛樽將八九

張籍詩酒盡卧空瓶

醉拈枯筆墨淋浪

杜詩戲拈毫筆掃驂驪

勢若山崩不停手

退之進學解手不停披於百家之編

數尺江山萬里遥

南史竟陵王傳其孫賁字文煥善畫於扇上圖山水咫尺之內便覺萬里為遥杜詩咫尺應須論萬里滿

堂風物冷蕭蕭

杜詩滿堂動色嗟神妙退之詩蕭蕭風景寒

山僧歸寺童子

後

杜詩貌得山僧及童子

漁伯欲渡行人招

莊子漁父篇孔子鼓琴奏曲未半有漁父

下船而來曲終而招子貢此反而用之

先君笑指溪上宅鷓鴣白鷺如相

識許生再拜謝不能

項籍傳陳嬰謝不能

原是天機非筆力

老杜山水

障歌云劉侯天機精愛畫入骨髓

自言年少眼明時手揮八幅錦江絲

贈行卷送張京兆

京兆不知為誰而言錦江絲疑是張乖崖蓋比之張敞云

心知李

成是我師

圖畫見閒錄云李成字咸熙家營丘志尚冲寂博涉經史尤善畫山水寒林開寶中都下

貴人王公貴戚爭馳書延請成多不答子覺職踐館閣贈光祿丞

張公身逐銘旌去流

落不知今主誰大梁畫肆閱水墨我君槃礴忘揖客

槃礴

見後注滋黯曰使大將軍有揖客反不重耶

蛛絲煤尾意昏昏

集中有答郭英發書云蛛

絲所謂蠅蚋在戶者煤尾屋塵屋塵合墨醫方謂之烏龍尾杜詩頭白昏昏足醉眠

幾年風動人

家壁

杜詩掛君高堂之素壁

雨雪泠泠滿寺庭

老杜秦州雜詩

四

圖冷落讓丹青笑酬肆翁十萬錢卷付騎奴市盡傾

司馬

相如傳一生盡傾

王丞來觀皆失席指點如見初畫日四時風

物入句圖

楊大年談苑云李昉以司空致仕畜五琴皆以客為名各為詩一章畫為圖傳於好事者

句圖蓋此類也

信知君家有摩詰

王維字摩詰唐書有傳其詩云宿世謬辭客前身應畫師

我持此圖二十年眼前綠髮皆華顛

綠髮見前注後漢崔駰傳駰作達旨

云唐睢華顛以悟秦甘羅童子而報趙

許生縮手入黃泉

韓文巧匠旁觀縮手袖間左傳

不及黃泉無相見也

衆史弄筆摩青天

莊子田子方篇宋元君將畫圖衆史皆至受揖而立

紙筆和墨有一史後至者儻儻然不趨受揖不立因之
舍公使人視之則解衣盤礴羸君曰可矣是真畫者也

君家枯松出老翟

圖畫見聞錄云翟院深北海人學李成山水但自創意者格下臨摹者奪

真

風煙枯枝倚崩石

李白詩枯松倒掛倚絕壁

壺穿風物皆愛惜不

誣方將有人識

言此畫雖靈而他日有識之者按文選謝靈運擬鄴中詩其序言建安末在鄴

宮究歡愉之極古無此娛何者楚襄王有宋玉唐景梁孝王有鄒枚嚴馬其主不文漢武時徐樂諸才備應對之能而雄猜多忌豈獲晤言之適不誣方將庶必賢於今日耳靈運之意謂他日人必以今日之樂為賢於昔人不誣之義如嵇叔夜養生論云一溉之益不可誣也五臣注詞不逮故為箋云

山谷外集詩注卷十五